

自名範字士則後宗族有與同者故改焉

鄧艾以口吃不得作幹佐為稻田守叢草吏而語稱艾艾晉文王戲之曰卿云艾艾定是幾艾答曰鳳兮鳳兮故是一鳳

辭難辨字又阿敬也

何顯字泰山京兆人少時父相以疾告其母曰



國家圖書館 NATIONAL CENTRAL LIBRARY TAIWAN



堯山堂外紀卷九

晉陵蔣仲舒編

三國蜀吳

龐德公

南郡襄陽人龐士元從父也隱居峴山南司馬德操年小十歲兄事之故呼龐德公諸葛孔明每至公家獨拜床下公初不令止後攜妻子入鹿門山

龐德公有於忽操三章其一曰於忽乎不可以為

其又奚為離婁之精夜何有於明師曠之耳聾

者亦有爾束王良之手兮後車載之前行險旣





以覆兮。後遂逐其猶來。雖目盼而心駭兮。顧其能之安施。委繩墨以聽人兮。雖班輸亦奚以為。其二曰於忽乎。不可以為。其又奚為。椽櫨椳榱。而莫休居者。坐而笑歌。不知墜之忽然兮。其謂安何。其三曰於忽乎。不可以為。其又奚為。謂雞斯飛。誰得而羈。謂豕斯突。何取於縛。是皆以食而得之。吾於饑而後噫。雞兮豕兮。死以是兮。

司馬徽

字德操。有知人之鑑。龐德公嘗謂徽為

冰鑑

司馬德操括囊畏謹。有以人物問者。不辨其高下。每輒言佳。其婦諫曰。人質疑于君。君一皆言佳。豈咨君之意乎。答曰。如君言亦復佳。

諸葛亮

字孔明。封武鄉侯。其先葛氏琅邪諸縣人。後徙陽都。陽都先有姓葛者。時

人謂諸葛因為氏兄弟。並有盛名。各在一國。瑾仕吳。亮仕蜀。誕仕魏。于時以為蜀得其龍。吳得其虎。魏得其狗。



黃彥承高爽開朗為沔南名士謂孔明曰聞君擇  
婦身有醜女黃頭黑面才堪相配孔明許即載  
送之鄉里為之諺曰莫作孔明擇婦正得阿承  
醜女

諸葛亮躬耕隴畝好為梁父吟其辭曰步出齊城  
門遙望蕩陰里。里中有三墓累累正相似。問是  
誰家墓。田強古治子。力能排南山。文能絕地紀。  
一朝被讒言。二桃殺三士。誰能為此謀。國相齊

晏子。晏子春秋公孫捷田開疆古冶子事景公  
勇而無禮晏子言於公餽之二桃曰二子  
計功而食桃公孫捷曰吾再拜隱虎功可以食  
田曰吾杖兵而御三軍者再功可以食古冶子  
曰君當濟河鼃啣左驂治潛行水底逆流百步  
從流九里得鼃頭功可以食二子曰吾勇不若  
子功不逮子取桃不讓是貪也然而不死無勇  
也刎頸而死治曰二子死之治獨不逮又刎頸  
而死漢末曹操既殺孔融楊修又送橋衛於刑  
州假手黃祖三子皆天下之望也武侯梁父吟  
殆為此設

諸葛亮表都護李嚴嚴少為郡戢吏用情深尅苟  
利其身鄉里為嚴諺曰難可押李鱗甲



張裕

張裕饒髯鬚蜀先主嘲之曰昔吾居涿郡多毛姓  
東西南北皆諸毛也涿令稱曰諸毛繞涿居乎  
先主無鬚裕即答曰昔有作上黨潞長後遷為  
涿令去官還家時入與書欲署潞則失涿欲署  
涿則失潞乃署曰潞涿君一坐絕倒

馬良

字季常襄陽宜城人也先  
主稱尊號以良為侍中

馬良兄弟五人並有才名蜀中諺曰馬氏五常白

眉最良季常眉中有白毛故以稱之

河南西四十里澗穀洛三水之交有五門子孫舊  
傳馬氏兄弟五人共居此地作五門客舍因以  
為名主養猪賣豚故名為之語曰苑中三公館  
下二卿五門嚙嚙但聞豚聲

秦宓

當時以博識稱諸  
葛孔明呼為學士

吳使張溫聘蜀溫問秦宓曰天有頭乎宓曰有溫  
曰在何方宓曰詩云乃眷四顧以此推之頭在



西方温曰天有耳乎密曰天處高而聽卑詩云  
鶴鳴九臯聲聞於天若其魚耳何以聽之温曰  
天有足乎密曰詩云天步艱難若其魚足何以  
步之温曰天有姓乎密曰姓劉何以然曰其子  
姓劉是以知之

秦密遠遊詩曰遠遊何所見所見邈難紀巖穴非  
我鄰林麓無知己虎則豹之兄鷹則鶴之弟困  
獸走環岡飛鳥驚巢起猛氣何咆厲陰風起千

里遠遊長太息太息遠遊子

支謙 吳高僧

吳主權已制江左而佛教未行有支謙者本月支  
人來遊漢境傳覽經籍莫不精究遍學異書通

六國語其為人細長黑瘦眼多白而睛黃時人  
為之語曰支郎眼中黃形軀雖細是智囊

周瑜 字公瑾舒人初孫策年十餘歲已交結

好策得喬公兩女皆國色  
策自納大喬瑜納小喬



周公瑾少精意於音樂雖三爵之後其有關誤公

瑾必知之知之必顧時人謠云曲有誤周郎顧

諸葛恪字元遜瑾之子少有才名吳主權見

而奇之曰藍田生玉真不虛也及立

登為太子妙選師友乃以張昭子休顧雍

子譚陳武子表與恪並為中庶子入講詩

書出從騎射待以布衣之禮謂之四友

諸葛瑾為豫州語別駕向臺云小兒知談卿可與

語比往詣恪恪不相見後於張輔吳昭坐中相

遇別駕喚恪咄咄郎君恪因嘲曰豫州亂矣何

咄咄之有答曰君明臣賢未聞其亂恪曰昔唐

堯在上四凶在下答曰非唯四凶亦有丹朱於

是一坐大笑瑾面長似驢吳主權使優人牽驢

宴中請筆於題下添寫之驢二字吳主羨其明

斂即以驢賜恪又使太子嘲恪曰諸葛元遜食

馬矢一石恪答曰臣得戲君子得戲父乎吳主

曰可恪曰乞太子食雞郊三百枚吳主問恪曰

人令君食馬矢卿令人食雞郊何

也恪答曰所出同耳吳主大笑

吳主權引蜀使費禕飲使諸葛恪監酒恪以馬鞭

拍禕背甚痛禕啟吳主曰蜀丞相比之周公都



護君侯比之孔子。今有一兒執鞭之士。恪啓曰：君至大國，傲慢天常，以鞭拍之，於義何傷？衆皆大笑。

吳主權嘗燕見費禕，逆勅羣臣使禕至伏食，勿起。禕至，權為輟食，而諸人不起。禕調之曰：「鳳凰來翔，麒麟吐哺，驢騾無知，伏食如故。」諸葛恪應聲答曰：「爰植梧桐以待鳳凰，有何燕雀自稱來翔？何不彈射使還故鄉？」

曾有白頭鳥集吳殿前，吳主權問羣臣曰：「此何鳥也？」諸葛元遜對云：「此名為白頭翁。」張輔、吳自以坐中最老，疑元遜以鳥戲之，因曰：「恪欺陛下，未嘗聞鳥名白頭翁者。」試使恪復求白頭母，元遜曰：「鳥名鸚母，未必有對試。」使輔、吳復求鸚父，張

不能答，一坐大笑。

吳主大會將佐，命元遜行酒，次至張輔，吳前張先有酒色。

不時肯飲，曰：「此非養老之禮也。」權謂元遜曰：「卿但令張公辭屈，乃當飲耳。」元遜即難張曰：「昔尚父九十，秉旄伏鉞，猶未告老。今軍旅之事，將軍在後，酒食之事，將軍在前，何謂不養老？」張卒無



辭遂為  
盡爵

吳主亮初即位以諸葛恪為太傅時公安有白鼉  
鳴童謠曰白鼉鳴龜背平南郡城中可長生守  
死不去義無成鼉有鱗介甲兵之象也南郡城  
可長生者有急易以逃也明年恪敗弟融鎮公  
安亦見鼉融刮金印龜服之而死

吳建興初又童謠曰吁汝恪何若若蘆葦單衣篋  
鈎絡於何相求揚子閣及諸葛恪死果以葦席

裹身篋束其腰投之石堦鈎絡鈎帶也揚子閣  
者反語石子堦也後聽恪故吏收葬求之此堦  
云

薛綜

字仲文瑩之父其先田文封薛因以氏  
馬吳主皓追歎綜遺文命榮繼作瑩獻

詩三百  
餘言

蜀使張奉於吳主權前列闕澤姓名調澤澤不能  
答時薛綜為選曹尚書下行酒因勸奉酒曰蜀  
者何也有犬為獨無犬為蜀橫目勾身虫入其



腹奉曰不當復列君吳耶綜應聲曰無口為天  
有口為吳君臨萬邦天子之都奉無以對

張純

字元基同郡張儼字子節朱異字季文  
吳郡顧陸朱張為四姓三國之間四姓

盛馬舊目云張文  
朱武陸忠顧厚

張純少有清才與張儼朱異俱童少嘗同詣驃騎  
將軍朱據據聞三人才名欲試之因語曰老鄙  
相聞饑渴甚矣夫驪裹以迅驟為功鷹隼以輕  
疾為妙其為吾各賦一物然後乃坐純賦席曰

席以冬設筆為夏施揖讓而坐君子攸宜儼賦  
犬曰守則有嚴出則有獲韓盧宋鵲書名竹帛  
異賦弩曰南嶽之幹鍾山之銅應機命中獲隼  
高壩三人皆隨日立成據大惟悅

韋昭

字弘嗣史為晉諱改名曜少好學能屬  
文官中書僕射撰吳鼓吹曲十二曲吳

人多言祥瑞吳主皓問昭昭曰  
此家人筐篋中物耳後竟殺昭

吳鼓吹曲有云焱精缺者言漢室衰孫堅奮迅猛  
志念在匡救王迹始乎此也當漢朱鷺其曲曰



焱精缺。漢道微。皇綱弛。政德違。衆姦熾。民罔依。  
赫武烈。越龍飛。陟天衢。耀靈威。鳴雷鼓。抗電麾。  
撫乾衡。鎮地機。厲虎旅。騁熊羆。發神聽。吐英奇。  
張角破。邊韓羈。宛潁平。南土綏。神武章。渥澤施。  
金聲震。仁風馳。顯高門。啟皇基。統罔極。垂將來。  
吳鼓吹曲有云。漢之季者。言孫堅悼漢之微。痛董卓之亂。興兵奮擊。功蓋海內也。當漢思悲翁其曲曰。漢之季。董卓亂。桓桓武烈。應時運。義兵興。

雲旗建。厲六。羅八陣。飛鳴鏑。接白刃。輕騎發。  
介士奮。醜虜震。使衆散。劫漢主。遷西館。雄豪怒。  
元惡憤。赫赫皇祖。功名聞。

吳鼓吹曲有云。伐烏林者。言魏武既破荊州。順流東下。欲未爭鋒。孫權命將周瑜逆擊之於烏林。而破走也。當漢上之。回其曲曰。曹操北伐。拔柳城。燦勝席捲。遂南征。劉氏不睦。八郡震驚。衆既降。操屠荆舟車十萬。揚風聲。議者孤疑。慮無成。



賴我大皇發聖明。虎臣雄烈周與程。破操烏林  
顯章功名。

吳鼓吹曲有云克皖城者言魏武志圖并兼而令  
朱光為廬江太守孫權親征光破之於皖城也  
當漢戰城南其曲曰克滅皖城遏寇賊惡此凶  
孽阻姦慝王師赫征衆傾覆除穢去暴戢兵車  
民得就農邊境息誅君弔民昭至德。

吳鼓吹曲有云章洪德者言孫權章其大德而遠  
方未附也當漢將進酒其曲曰章洪德邁威神  
感殊風懷遠鄰平南裔齊海濱越裳貢扶南臣  
珍貨克庭所見日新。

賀邵

字興伯會稽人晉司空循之父元帝嘗

與循言及吳時事問孫皓燒鋸截一賀  
頭是誰循未得言元帝自憶曰是賀邵循  
不涕曰臣父遭遇無道創巨痛深無以  
答明詔元帝愧  
慙三日不出

賀太傅作吳郡初不出門吳中諸強族輕之乃題  
府門云會稽雞不能啼賀閒故出行塗門反顧



索筆足之曰不可啼殺吳兒於是至諸屯邸檢  
校諸顧陸罪者甚衆陸抗時為江陵都督故下  
請吳主皓然後得釋

末主皓

字元宗一名彭祖大皇帝孫為晉所滅

吳主初從步闡之請遷都武昌揚州之民泝流供  
給甚苦之時有童謠曰寧飲建鄴水不食武昌  
魚寧還建鄴死不止武昌居陸抗以聞乃還都  
建業

吳主遣使者祭石印山下妖祠使者因以丹書獻  
曰楚九州渚吳九州都揚州士作天子四世治  
太平矣皓聞之曰從大皇帝至朕四世太平之  
主非朕復誰恣虐踰甚

吳主天紀中童謠曰阿童復阿童銜刀游渡江叶  
不畏岸上虎但畏水中龍晉武帝聞之以語羊  
祜祜曰此必水軍有功但當思應其名者時益  
州刺史王濬小字阿童乃加濬龍驤將軍及征



吳江西衆軍無過者而濬先定秣陵

晉既平吳武帝引見孫皓帝問皓聞南人好作爾  
汝詩頗能為否皓正飲酒因舉觴勸帝曰昔與  
汝為鄰今與汝為臣勸汝一盃酒令汝壽萬春  
帝悔之

晉平吳後江南有童謠云局縮肉數橫目中國當  
敗吳當復又有云宮門柱且莫朽吳當復在三  
十年後又有云雞鳴不拊翼吳復不用力于時

吳人皆謂在孫氏子孫故竊發為亂者相繼接  
橫目者四字自吳亡至晉元帝興幾四十年皆  
如童謠之言元帝懦而少斷局縮肉蓋直斥之  
云

堯山堂外紀卷九終



廿

於禮部人加兵備處臣等謹將臣等所擬  
擬出諸臣等自庚子年開辦以來歷年  
庚子年開辦以來歷年





堯山堂外紀卷十

晉陵蔣仲舒編

六朝 晉

司馬懿

字仲達曹操辟為文學掾遷太子中庶子與陳羣吳質朱鑠號曰四友操嘗夢三馬同食一槽謂丕曰懿非人臣也丕素與懿善故得免既而竟遷魏鼎

司馬高祖伐公孫淵過故鄉會父老故舊飲燕高

祖作歌曰天地開闢日月重光遭逢際會奉辭

遐方將掃逋穢還過故鄉肅清萬里總齊八荒





告誠歸老待罪武陽。

賈克

始生時其父達曰後當有克問之慶故名克而字公問

初魏主高貴鄉公帥府衛出討司馬昭賈克時為中護軍自外入令成濟弑之泰始中人為克等謠言曰賈裴王亂紀綱王裴賈濟天下言亡魏而成晉也裴謂裴秀王謂王沈

賈克前婦是李豐女名婉字淑文淑美有才行豐被誅離婚徙邊復娶郭配女即廣城君名王璜

後李以赦得還帝特詔克置左右夫人郭怒不許克乃為李築室於永年里而不往來嘗與李聯句賈吟云室中是阿誰歎息聲正悲李云歎息亦何為但恐大義虧賈云大義同膠漆匪石心不移李云人誰不慮終日月有合離賈云我心子所達子心我亦知李云若能不食言與君同所宜

克嘗碎韓壽為椽壽美姿容克女於青瑣中窺而悅之常懷存想發於吟咏婢

往壽家具述其事壽聞心動遂潛往與女通克覺女有異於常因會諸吏聞壽有異香氣香本



外國所貢一着人、經月不歇、充計武帝、惟賜已  
及陳騫、疑壽與女私、乃考問左右、婢得其狀、秘  
之以女  
妻壽

傳玄

晉初置諫官以玄爲之每有奏劾或值  
日暮捧白簡整簪帶竦踊不寐臺閣生

風

古歌有八變九曲之名李尤九曲歌曰年歲晚暮  
時已斜安得壯士挽日車傳玄九曲歌曰歲暮  
景邁羣光絕安得長繩繫白日全篇無傳獨八  
變僅存其歌曰北風初秋至吹我章華臺浮雲

多暮色似從崦嵫來枯桑鳴中林絡緯響空堦  
翩翩飛蓬征愴愴遊子懷故鄉不可見長望始  
此回

傳玄有車遥遥篇曰車遥遥兮馬洋洋追思君兮  
不可忘君安遊兮西入秦願爲影兮隨君身君  
在陰兮影不見君依光兮妾所願又燕人歌曰  
燕人美兮趙女佳其室則邇兮限曾崖雲爲車  
兮風爲馬玉在山兮蘭在野雲無期兮風有止



思多端兮誰能理

李密

字令伯一名虔先仕蜀晉初徵為太子洗馬陳情表古本少事荒朝後人誤以為偽朝孫霜崖嘗有詩偽朝料得非公筆不得當時墨本看

李密有才能常望內轉而朝廷無援乃遷漢中太守自以失分懷怨及賜餞東堂詔賦詩末章曰人亦有言有因有緣官無中人不如歸田明明在上斯語豈然武帝念之免密官

山濤

字巨源與嵇康阮籍籍兄子咸及劉伶王戎向秀常集于竹林肆意酣暢世謂

竹林七賢子簡字季倫

山巨源以器重朝望年踰七十貴勝年少若和裴王之徒並共宗詠有署閣柱曰閣東有大牛和嶠鞅裴楷鞅王濟剔髻不得休

漢時侍中習郁嘗於峴山南依范蠡養魚法作池池邊有高隄徧種長楸修竹芙蓉綠岸菱芡覆水是游宴名處山季倫都督荊州時每出嬉遊多之池上置酒輒醉曰此是我高陽池時有兒



童歌曰山公出何許。往至高陽池。日夕倒載歸。酩酊無所知。時時能騎馬。倒着白接離。舉鞭問葛強。何如并州兒。

強家并州簡愛將

劉伶

字伯倫身長六尺貌甚醜頰而悠悠忽

曰吾以天地為宅舍屋宇為幃衣諸君何為入我幃中偶與俗士相忤其人攘袂而起欲必築之伶和其色曰鷄肋何足當尊奉其人廢然而返伶嘗乘鹿車携一壺酒使人荷鍤隨之曰死便埋我

劉伶病酒渴甚從婦求酒婦捐酒毀器涕泣諫曰

君飲太過非攝生之道必宜斷之伶曰甚善我不能自禁當祝鬼神斷之便可具酒肉婦曰敬聞命供酒肉於神前請伶祝誓伶跪而祝曰天生劉伶以酒為名一飲一斛五斗解醒婦人之言慎不可聽便引酒進肉塊然復醉

王戎

字濬冲渾之子以平吳功封安豐侯總

客問鍾曰向二童何如鍾曰裴楷清通王戎簡要阮籍先與渾為友時戎年十五隨渾在郎舍戎少阮二十歲阮與之交謂渾曰共卿言不如共阿戎談



王安石豐婦常卿。安豐安豐曰婦人卿壻於禮為不敬。後勿復爾。婦曰親卿愛卿，是以卿卿。我不卿卿，誰當卿卿。遂恒聽之。

孫楚

字子荆，以有才少所推服。惟雅敬王武子。武子喪時，名士無不至者。子荆後來臨，屍慟哭，哭畢，向靈牀曰：卿常好我作驢鳴，今我為卿作宛，似真聲。賓客皆笑。孫舉頭曰：使君輩存，令此人灰。

孫子荆年少時欲隱，語王武子：當枕石漱流，誤曰漱石枕流。王曰：流可枕，石可漱乎？孫曰：所以

枕流，欲洗其耳；所以漱石，欲礪其齒。

孫子荆除婦服，作詩示王武子，其詩曰：時邁不停，日月電流。神爽登遐，忽已一周。禮制有叙，告除靈立。臨祠感痛，中心若抽。王曰：未知文生於情，情生於文，覽之悽然，增伉儷之重。

孫楚反，金人銘曰：晉太廟左階前有石人馬，大張其口而書其胷曰：我古之多言人也，無少言。少言少事，則後生何述焉。夫惟立言，名乃長。久胡



為塊然坐緘其口。

孔子觀周遂入后稷之廟廟當右階之前有金人為三緘

其口而銘其背曰古之慎言人也誠之哉無多言無多事多言多敗多事多害

董京不知何許人在洛陽隱居白社時乞於市得

殘碎繒絮結以自覆全帛佳縣則不肯受或見

推排罵辱曾無怒色孫楚數就社中載與俱歸

又貽書勸其仕進京答歌曰獨處無娛我以為

歡清流可飲至道可飧何為栖栖自使疲單玄

鳥紆幙而不被害鳴隼遠巢咸以欲步眈彼梁

魚逡巡倒尾沉吟不決忽焉失水嗟乎魚鳥萬

世不悟以我觀之乃明其故知哉達人深穆其

度。

賈謐

即韓壽子慰祖賈后女弟出也后與小吏通詐為有身取慰祖養之託以諒闇

所生故勿顯謐雖驕奢而喜延士大夫石崇潘岳左思陸機機弟雲及劉琨等皆附

謐號二十四友

惠帝元康中京洛童謡云南風起兮吹白沙遙望

魯國何嗟峨千歲髑髏生齒牙南風賈后字也



白晉行也沙門太子小字也魯賈謚國也言賈  
后將與謚爲亂以危太子而趙王因釁咀嚼豪  
賢以成篡奪也其後賈謚旣誅賈后尋亦廢死  
又有謠云東宮馬子莫龍吟前至臘月纏汝髮  
是時愍懷頗失衆望卒以廢黜不得其死焉趙  
王倫旣篡位洛中又有謠云虎從北來鼻頭汗  
龍從南來登城看水從西來河灌灌數月而齊  
王成都河間義兵同會誅倫按成都西藩而在  
鄴故曰虎從北來齊東藩而在許故曰龍從南  
來河間水區而在關中故曰水從西來齊留輔  
政居于宮西有無君之心故曰登城看也

東哲

字廣微疎廣之後其曾孫避王莽亂去  
足爲東惠帝朝賈謚請哲爲著作郎哲  
嘗辨三日曲水之義賜金五十斤又補  
南陔白華華黍由庚由儀崇丘詩六篇

宋哲家貧賦曰余遭家之軼軻嬰六極之困屯無  
原憲之厚德有斯人之下貧愁鬱煩而難處且  
羅縷而自陳有漏狹之草屋不蔽覆而受塵欲



志怒而無益徒拂鬱而獨嗔蒙乾坤之徧覆庶  
無財而有仁

太康中陽平郡界大旱督爲邑人請雨三日而雨  
注衆爲督作歌曰東先生通神明請天三日其  
雨零我黍以育我稷以生何以酬之報東長生

石崇

苞之子生于青州小字齊奴苞臨終崇  
獨不及家財及爲荊州刺史使商客  
航海致富砌上就苔藓刻成百花飾以金  
玉曰壺中之景不過如是劉寔嘗詣崇如  
廁見有絳紗帳大牀茵褥甚麗兩婢持錦  
香囊劉惶遽反定語崇曰向誤入卿內崇

曰是  
廁耳

石季倫妾綠珠嘗作懊儂歌其詞曰絲布澀難縫  
令儂十指穿黃牛細犢車遊戲出孟澤綠珠本  
梁氏女崇以珠三斛買之善吹笛孫秀使人求  
之不與秀怒勸趙王誅崇崇正宴於金谷園樓  
上甲士到門崇謂綠珠曰吾爲汝得罪綠珠曰  
當效死於君前卽自投於樓下而死

洛陽石崇  
宅有綠珠

樓金谷水名流經崇居崇  
構別館因名一名梓澤



石衛尉有愛婢曰翔風。魏末於胡中得之。年十五。無有比其容貌。崇嘗語曰：吾百年後當指白日以汝為殉。荅曰：生愛死離，不如無愛。妾得為殉身，其何朽？于是彌見寵愛。崇嘗擇美容姿相類者十人，裝飾衣服大小一等，使忽視，不相分別。又使數十人各含異香，行而笑語，則口氣從風而颺。又屑沉水香如塵末，布象床，使所愛者踐之。無迹，則賜以真珠百琲。有迹，則節其飲食，令身輕弱。故閨中戲曰：爾非細骨輕軀，那得百琲真珠。及翔風年三十，妙年者爭嫉之，謂胡女不可為羣。競相排毀。崇受譖，即退翔風為房老使。主羣少乃懷怨，作五言詩曰：春花誰不美，卒傷秋落時。突烟還自低，鄙退豈所期。桂芳徒自蠹，失愛在蛾眉。坐見芳時歇，憔悴空自嗤。石氏房中並歌此為樂曲，至晉末乃止。

潘岳

字安仁，籍之子，鄉邑號為奇童。後為河陽令，植桃李滿城，人號河陽一縣花。岳



妙有姿容少時挾弹出洛陽道婦人遇者  
連手縈之左思絕醜亦復效岳遨遊於是  
羣姬亂唾委頓而返又岳每行老姬以果  
擲之滿車張載至醜每行小兒以瓦石投  
之亦滿車

潘岳有所思因以思揚容姬難堪六字為題作離

合詩曰佃魚始化人民穴處離田字意守醇樸音

應律呂離心字田合成思桑梓被原卉木在野離木字錫

鑿未設金石弗舉離易字木合成楊害咎蠲消吉德流

晉離字谿谷可安奚作棟字離谷字穴合成容媽然以

喜馬懼外侮離女字熙神委命已求多祐離麗字女臣合

成嘆彼季末口出擇語離萸字誰能默識言喪厥

所離佳字萸佳合成難壘畝之諺龍潛巖阻離土字甚義崇

亂少長失序離甚字土甚合成堪

初潘岳為瑯邪內史孫秀為小史給岳岳數撻辱

之秀常啣忿及趙王倫輔政秀為中書令岳於

省內謂秀曰孫令猶憶疇昔周旋否秀曰中心

藏之何日忘之岳于是自知不免俄而秀遂誣

寫



岳及石崇為亂誅之初崇為成陽太守岳送之  
詩曰朝發晉京陽夕次金谷湄前庭樹沙棠後  
園植烏桺靈囿繁若榴茂林列芳梨飲至臨華  
沼遷坐登隆坻玄醴染朱顏但慙杯行遲楊桴  
撫靈鼓蕭管清且悲春榮誰不慕歲寒良獨希  
投分寄石友白首同所歸及岳與崇被收俱不  
相知崇已送市岳後至崇謂曰安仁卿亦復爾  
耶岳曰可謂白首同所歸矣

潘安仁與石季倫同刑東市時石謂潘曰天下殺  
英雄卿復何為爾潘曰俊士填溝壑余波來及

人

左思

字太冲欲賦三都乃詣張載訪岷邛之  
事遂構思十年門庭掃溷皆置筆硯遇  
得一句即便疏之賦成以示皇甫謐謐為  
賦序由是讀書之家競相傳寫都城為之  
紙貴初陸機入洛擬作三都賦聞思作之  
撫掌大笑與弟書曰此間有一傖父欲作  
三都賦須其成以覆酒甕耳左賦  
出機絕嘆伏以為不能加遂輟筆

賈充嘗徵左思為記室不就因感人年老作詩曰

潘安



秋風何冽冽。白露爲朝霜。柔條旦夕勁。綠葉日夜黃。明月出雲崖。皦皦流素光。披軒臨前庭。嗷嗷晨鴈翔。高志局四海。塊然守空堂。壯齒不恒居。歲暮常慨慷。振衣千仞岡。濯足萬里流。亦太冲詩語。

左思白髮賦云。星星白髮。生於鬢垂。雖非青蠅。穢我光儀。策名觀國。以此見疵。將拔將鑷。好爵是縻。白髮將拔。怒然自訴。稟命不幸。值君年暮。偏迫秋霜。生而皓素。始覽明鏡。惕然見惡。朝生晝

拔。何罪之故。予觀橘柚。一皜一擘。貴其素華。匪尚綠葉。願戢子之手。攝子之鑷。咨爾白髮。觀世之途。靡不追榮。貴華賤枯。赫赫閭闔。藹藹紫廬。弱冠求仕。童髻獻謨。甘羅乘軫。子奇剖符。英英終賈。高論雲衢。拔白就黑。此自在吾。白髮臨拔。瞋目號呼。何我之冤。何子之娛。甘羅自以辨惠。見稱不以髮黑。而名著。賈生自以良才。見異不以烏鬢。而後舉。聞之先民。國用老成。二老歸周。



周道肅清。四皓佐漢。漢德光明。何必去我。然後  
要榮。咨爾白髮。事故有以。爾之所言。非不有理。  
曩貴耆老。今薄舊齒。皤皤榮期。皓首田里。雖有  
二毛。河清難俟。隨時之變。見歎孔子。髮乃辭盡。  
誓以固窮。昔臨玉顏。今從飛蓬。髮膚至昵。尚不  
克終。聊用擬辭。比之國風。

左九嬪名芬思之妹也。少好學。善綴文武。帝聞而  
納之。秦始八年。拜修儀。後爲貴嬪。姿陋。無寵。以  
才德見禮。每有方物異寶。必詔爲賦。頌以是屢  
獲恩賜。馬賦咏木。云南山有鳥。自有咏木。饑則  
啄樹。暮則巢宿。無干於人。惟志所欲。性清者榮。  
性濁者辱。

左太冲嘗有感離詩贈芬芬答詩云自我去膝下。  
倏忽踰再期。披省所賜告。髣髴想容儀。何時當  
奉面。娛目於書詩。何以訴辛苦。告情於文辭。

陸機

字士衡。大司馬抗之子。弟雲。字士龍。蔡  
司徒在洛。見平原兄弟。住參佐廨中。三



間瓦屋士龍住東頭士衡住西頭士龍為  
人文弱可愛士衡長七尺餘聲作鐘聲言  
多抗慨尚書閔鴻見士龍小時即奇之曰  
此兒若非龍駒當是鳳雛刺史周浚召為  
從事謂人曰陸士龍當今顏子也後官人  
孟文諧平原有異志與雲俱被害是日昏  
霧四合大風折木平地  
雪盈尺人以為陸氏寃

陸機百年歌云一十時顏如舜華曄有輝體如飄  
風行如飛終朝出遊薄暮歸六情逸豫心無違  
清酒將炙奈樂何奈樂何二十時膚彩津澤  
人理成美目淑貌綽有榮光車駿馬遊都城高

談雅步何盈盈清酒將炙奈樂何奈樂何 三  
十時行成名立有令聞方可扛鼎志干雲食如  
漏卮氣如薰辭家觀國綜典文清酒將炙奈樂  
何奈樂何 四十時體方克壯志方剛跨州越  
郡還帝鄉出入承明擁大璫清酒將炙奈樂何  
奈樂何 五十時荷旄杖節鎮邦家鼓鍾嘈噴  
趙女歌羅衣綵粲金翠華言笑雅舞相經過清  
酒將炙奈樂何奈樂何 六十時年亦耆艾業



亦隆。驟駕四牡入紫宮。軒冕納那翠雲中。子孫  
昌盛家道豐。清酒將多奈樂何。奈樂何。七十  
時精爽頗損。膂力愆。清水明鏡不欲觀。臨樂對  
酒轉無歡。攬形羞髮獨長歎。八十時目明已  
損。聰去耳前言。往行不復紀。辭官致祿歸桑梓。  
安車駟馬入舊里。樂事告終憂事始。九十時  
日告耽瘁。月告衰。形體雖是志意非。言多謬誤  
心多悲。子孫朝拜或問誰。指景玩日慮安危。感

念平生淚交揮。百歲時盈數已登。肌肉單。四

肢百節還相患。目若濁鏡口垂涎。呼吸頗感反

側難。茵褥滋味不服安。

機少好遊獵在吳豪盛  
客獻快犬名曰黃耳機

後仕洛常將自隨此犬點慧能解人語一日機  
戲語犬我家絕無書信汝能賣書馳還取消息

否犬喜搖尾作聲機試為書或以竹筒繫之頸  
犬出驛路疾走向吳入草噬肉取飽每經大水

輒依渡者弭毛掉尾向之其人憐愛因呼上船  
載近岸犬即騰上速去如飛逕至機家口銜竹

筒作聲機家開筒取書看畢作答書納竹筒中  
復繫犬頸犬既得答仍馳還洛計人行程五旬

而犬往還才半月後犬歿殯之遣送  
還家塋機村南村人呼為黃耳塚



陸士衡在坐潘安仁至陸便起去安仁曰清風至  
塵飛揚陸應聲答曰衆鳥集鳳凰翔。

陸士龍荀鳴鶴隱二人未相識因會張茂先坐張

以其並有大才可勿作常語陸舉手曰雲間陸

士龍荀答曰日下荀鳴鶴陸曰既開青雲觀白

雉何不張爾弓布爾矢張曰荀何遲荀答曰本

謂雲龍駸駸今是山鹿野麋獸弱弩彊是以發

遲張乃撫掌大笑平原初見張華華曰賢第何  
不來機曰舍第有笑疾不敢

不先陳之華鬚偏遂以錦囊盛之雲見大笑華  
終不恠又嘗續經上船水中自見其影便大笑  
不已落水  
幾至成

張載字孟陽第協字景陽亢字季陽並有俊  
才與機雲齊名時稱二陸三張亦曰三

陽又有語云二陸入洛  
三張減價不無軒輊云

張載賦貧士詩曰芒墟人迹希隱僻閭鄰濶葦籬

自朽損毀屋每寥豁炎夏無完絺玄冬無煖褐

四體困寒暑六時疲飢渴營生生愈瘁愁來不

可割



乃移連璧 夏侯湛 與潘安仁並有美答喜

夏侯湛文章宏富善構新詞為郎中累年不調作  
抵疑以自廣其辭曰咳唾成珠璣扶袂出風雲  
又作家風載其祖父之德

張翰字季鷹吳人儼之子時人號為江東步  
後名即答曰使我有身後名不如即時一盃酒

張季鷹辟齊王東曹掾在洛見秋風起因思吳中  
菰菜羹鱸魚膾曰人生貴適意爾何能羈宦數

千里以要名爵因作歌曰秋風起兮佳景時吳  
江水兮鱸正肥三千里兮家未歸恨難得兮仰  
天悲遂棄官歸

劉寶 字道真陸士衡初入洛谷張華所宜請  
劉是其一陸既往劉尚在哀制中性者  
酒禮畢初無他言惟問東吳有長柄壺  
盧卿得種來不陸兄弟殊失望乃悔往

劉道真遭亂於河側為人牽船見一老嫗操櫓道  
真朝曰女子何不調機弄杼因甚旁河操櫓女  
答曰丈夫何不跨馬揮鞭因甚旁河牽船又嘗



與山堂外紀卷十 十八  
與人共飯草舍中見一嫗將兩小兒過並着青  
衣劉調之曰青羊引雙羔嫗答曰兩猪共一槽  
道真無以對

謝鯤

字幼輿與胡母輔之畢卓光孟祖阮放

羊曼桓彝阮孚並以任放為達時人謂  
之八達孟祖避難渡江投胡母值輔之鯤  
等散髮深袒閉室酣飲已累日孟祖將排  
戶守者不聽便于戶外脫衣露頭於狗竇  
中窺之而大叫輔之驚曰他人決不能爾  
必我孟祖處呼入與飲

謝幼輿鄰家高氏女有美色常往挑之女投梭折

其兩齒時人語曰任達不已幼輿折齒鯤聞之  
長嘯曰猶不廢我笑歌

光山堂外紀卷十



身觀曰齒不漱沫

其西遊却入壽曰人壽以齒為





堯山堂外紀卷十一

晉陵蔣仲舒編

六朝晉

劉琨

字越石輿之弟少與祖逖為友  
謂人曰常恐祖生先我着鞭

盧諶先為劉琨從事中郎將段匹磾領幽州求諶  
為別駕琨答諶詩云情滿伊何蘭桂移植茂彼  
春林瘁此秋棘言諶棄已而就匹磾也厥後琨  
命箕澹攻石勒一軍皆沒由是窮蹙不能自守



乃率眾赴匹磾繼為匹磾所拘再贈諶詩云朱實隕勁風繁英落素秋何意百鍊剛化為繞指柔其詩託意欲以激諶而救其急諶殊不領琨既被害諶始上表以雪其寃

祖逖

字士雅元帝時為豫州刺史戴洋語人曰祖士雅九月當死妖星已見於豫州

祖逖在豫州約已務施課農桑撫納新附又收葬枯骨為之祭醊百姓感悅嘗置酒大會耆老中

坐流涕曰吾等老矣更得父母死將何恨乃歌曰幸哉遺黎免俘虜三辰既朗遇慈父玄酒清醪甘瓠脯何以詠思歌且舞

鄧攸

字伯道童時嘗詣鎮軍賈混混以訟事示攸使決之攸曰聽訟吾猶人也必也使無訟乎混竒之以女妻焉

元帝時鄧攸為吳郡太守攸載米之郡俸祿一無所受惟飲吳水而已及去賤百姓留牽攸舡不得進攸乃少停夜中發去吳人歌之曰純如打



五鼓鷄鳴天欲曙。鄧侯挽不留。謝令推不去。

葛洪

字稚川丹陽句容人少以儒學知名尤好神仙道養之法元帝時王導薦為散騎常侍以平賊功賜爵關內侯後聞交趾出丹求為勾漏令乃於羅浮山煉丹自號抱朴子因以名書後尸解仙去號葛仙翁

葛洪嘗過贛之興國境見山靈水秀遂結廬築壇

鑿池洗藥留四言詩一首曰洞陰泠泠風珮清

清仙居永劫花木長榮今其地有洗藥池

郭璞

字景純有郭公者精卜筮璞從受業公以青囊中書九卷與之由是遂洞五行

天文卜筮之術嘗撰前後筮驗六十餘事名為洞林

郭景純有焦僥讚曰焦僥極麼諍人又小四體取

足眉目纒了

郭景純著幽思篇有句云林無靜樹川無停流阮

孚歎曰泓崢蕭瑟實不可言每讀此文輒覺神

超形越

郭景純過江居于暨陽墓去水不盈百步時人以

為近水景純曰將當為陸後數年沙漲去墓數



十里皆為桑田其詩曰北阜裂裂巨海混混壘  
壘三墳唯母與昆

郭景純錢唐天目山詩云天目山前兩乳長龍飛

鳳舞到錢唐海門一點巽峯起五百年間出帝

王後宋高宗中興建邦天目乃主山至度宗甲

戌山崩京城騷動時有建遷蹕之議者未幾宋

鼎遂移王敦起璞為記室參軍蘇峻之難敦將

幾何曰命盡今日日中敦怒收璞請南崗斬之

璞素與桓彝友善彝每遊或值璞在婦間便入

璞曰卿他處自可徑前但不可廁上相尋必容

主有殃也彝後因醉詣璞正逢在廁見璞裸身

被髮銜刀設醜璞見彝撫心大驚曰吾每屬卿

勿未非但禍吾卿亦不免天實為之將以誰咎

故璞終嬰王敦

之禍而彝亦死

初庾翼幼時嘗令景純筮公家及身卦成曰建元

之末丘山傾長順之初子彫零及康帝即位將

改元為建元或謂庾冰曰子忘郭生之言耶丘

上山名此號不宜用冰撫心歎恨及帝崩何克

改元為永和庾翼歎曰天道精微乃如是耶長



順者永和也吾庸得免乎其年翼卒

殷羨

字洪喬豫章太守

殷洪喬作豫章郡臨去都下人因附百許函書既至石頭悉擲水中因祝曰沉者自沉浮者自浮殷洪喬不能作致書郵今金陵西南有投書渚

元帝皇子生晉賜羣臣殷洪喬謝曰皇子誕育晉天同慶臣無勲焉而猥頒厚賚中宗笑曰此事豈可使卿有勲邪

庾亮

字元規與弟翼先後都督征討軍事稱大征西小征西世謂亮為豐年五翼為

龍年

咸和初庾亮專總朝政時歷陽內史蘇峻志輕朝廷亮乃修石頭城以備之因下詔徵峻峻曰我寧山頭望廷尉不能廷尉望山頭遂舉兵反初明帝大寧初童謠云惻惻力力放馬山側大馬死小馬餓高山崩石自破至是明帝崩成帝方六歲為峻所逼遷于石頭御膳不足此大馬死小馬餓也高山峻也峻尋死峻弟石據石頭尋

堯山堂外紀卷十一

五



為諸公所破

孫盛二子長名潛次名放小時同詣庾公公問潛

何字答曰字齊由公曰欲何齊曰齊許由問放

何字答曰字齊莊公曰欲何齊曰齊莊周公曰

何不慕仲尼而慕莊周對曰聖人生知故難企

慕庾公大喜小兒對放兄弟與庾翼子園客同

日詣孫見齊莊在外問之曰孫安國何在即答

曰庾稱公家庾大笑曰諸孫大盛有兒如此又

答曰未若諸庾之翼翼還語人曰我故勝得重喚奴父名

庾亮初鎮武昌出至石頭百姓於岸上歌之曰庾

公上武昌翩翩如飛鳥庾公還揚州白馬牽旒

旒庾公初上時翩翩如飛鳥庾公還揚州白馬

牽流蘇後連徵不入及薨於鎮以喪還都葬皆

如謠言

桓溫字元子生未期溫嶠見之曰此兒有奇

骨可試使啼及聞其聲曰真英物也父

彘以橋所賞故名溫面有七星劉惔常稱

之曰桓公鬚如反猓皮眉如紫石稜自是

孫仲謀司馬宣王一流人也嘗經王敦墓

望之云可兒可兒後伐秦於北方得一巧



作老婢訪之乃劉琨妓女也一見温便潜  
然而泣問其故答曰公甚似劉司空温大  
悅出整理衣冠又呼問之婢云面甚似恨  
薄眼甚似恨小鬚甚似恨赤形甚似恨短  
聲甚似恨雖温於是褫冠解  
帶昏然而睡不怡者數日

桓大司馬嘗題八陣圖云望古識其真臨源愛往  
跡恐君遺事節聊下南山石

哀帝隆和初童謡云升平不滿斗隆和那得久桓  
公入石頭陛下徒跣走先是穆帝改元升平越  
五年帝崩不滿斗不至十年也朝廷惡聞此謡

因改年曰興寧庾後歌曰雖復改興寧亦復無  
聊生哀帝尋崩大臣迎奕立之奕夙有痿疾使  
左右向龍與內侍接生子以為己子百姓歌之  
曰鳳皇生一雛天下莫不喜本言是馬駒今定  
成龍子又歌曰青青御路楊白馬紫浮韁汝非  
皇太子那得甘露漿白者金行馬者國族紫為  
奪正之色明以紫間朱也時温欲先立功河朔  
以收時望還受九錫及枋頭之敗威名頓挫却



起乃勸為伊霍之舉。溫遂與定議。詣建康。宣太后令廢奕為海西縣公。立會稽王昱三子。非海西公子。縊以馬。疆死之。明日南方獻甘露。

初熒惑入太微。海西尋廢。簡文登阼。復入太微。帝惡之時。郗超為中書。在直。引超入曰。天命脩短。故非所計。政當無復。近日事不起。曰。大司馬方將外固封疆。內鎮社稷。必無若此之慮。帝因誦庾闡從征詩曰。志士痛朝危。忠臣哀主辱。聲甚淒厲。郗受假還。東帝曰。致意尊公家國之事。遂至於此。因泣下流襟。

簡文作撫軍時。嘗與桓宣武俱入朝。更相讓在前。宣武不得已。先之。因曰。伯也。執爨為王前驅。簡文曰。無小無大。從公于邁。一日在暗室中坐。召

宣武。宣武至。問上何在。簡文曰。某在斯。時人以為能。簡文極善玄言。常以劉惔王濛為談客。嘗入華林園。顧謂左右曰。會心處不必在遠。翳然林水。便自有濠濮間想也。覺鳥獸禽魚自未親人。桓宣武下都。問劉惔曰。聞會稽王語奇。



進爾邪曰極進然故是第二流中人耳

桓曰第一流復是誰劉曰正是我輩

殷浩字深源少與桓溫齊名常有競心桓問

我殷嘗作詩示桓桓玩侮之曰汝慎勿犯我犯我當出汝詩示人也袁耽大妹名女皇適浩小妹名女正適謝尚嘗語桓云恨不更有一人配卿

孫盛與殷浩談論往反精苦客主無間左右進食

冷而復暖者數四彼我奮擲塵尾毛悉脫落滿

餐飯中賓主遂至暮忘食殷乃語孫曰莫作強

口馬我當捩卿鼻孫曰卿不見汝鼻牛人當勞

卿頸

謝尚聞浩能清言往造之謝注神傾意不覺流汗殷徐語左右取手中與謝郎拭面

殷中軍連年北伐師徒屢敗桓溫因朝野之怨請

廢之在信安終日恒書空作字每恨簡文曰上

人箸百尺樓上儋梯將去外生韓康伯始隨至

徒所周年還都殷素愛之送至水側乃詠曹顏

遠詩曰富貴他人合貧賤親戚離因而泣下

既廢桓公語諸人曰少時與阿源共騎竹馬我棄去已輒取之故當出我下浩死浩子涓不詣

溫而與武陵王晞游溫疑而害之竟不識也孝武即位溫入朝赴山陵謂從者曰先帝向遂靈



見衆亦見温拜時頻言臣不敢温又問殷涓形  
狀云向亦在帝側盖涓為崇也温遂遇疾死

王羲之

字逸少導從子却鑒使門生求壻於

諸少並佳然惟一人在東床坦腹若不  
相聞鑒曰此正佳壻訪之乃逸少也遂妻之  
子七人疑之與之徽之操之獻之皆有書  
迹傳世玄之肅之二人未見故東坡詩云  
羲之生五之時以王承王  
悅及羲之為王氏三少

王右軍少重患一二年輒發動後答許掾詩忽復

惡中得二十字云取歡仁智樂寄暢山水陰清

冷澗下瀨歷落松竹林既醒左右誦之誦竟右

軍歎曰癡何預盛德事耶

永和中王羲之修禊事于會稽山陰之蘭亭羣賢

畢集謝安謝萬孫綽與羲之等十一人賦五言

詩各一首譙繹庾蘊孫嗣曹茂之與渙之等十

五人或四言或五言各一首謝瑰卞迪卓旄羊

模孔熾劉密與獻之等十六人詩各不成罰酒

三觥羲之五言詩曰仰視碧天際俯瞰淥水濱

寥聞無涯觀寓目理自陳大矣造化功萬殊莫



不均。羣籟雖參差。適我無非親。時人以蘭亭集

序方之金谷詩序云。羲之得人。以已敵石崇。甚

有欣色。

會稽有孤居姥。養鶩善鳴。羲之市之。未得乃命駕自往。觀之。姥聞王至。烹鶩以

待。羲之歎惜不已。

又山陰有道士。養鶩。羲之亦往觀之。道士云。為寫道德經。當舉羣相贈。羲之

欣然。寫畢。籠鶩而去。在戢山時。見一老姥賣六

角竹扇。羲之書扇上。各為五字。姥初不喜。羲之

謂姥曰。但道是王右軍書。求百錢。可得也。每自

言我書與鍾繇當抗行。比張芝草。猶當厲行。其

書初不勝庾翼。却

惜及其暮年。方妙

故近世

王徽之作桓車騎

冲

騎兵參軍桓問曰。卿何署答

曰。不知何署。時見牽馬。末似是馬曹。桓又問。官

有幾馬。答曰。不問馬何由。知其數。又問馬比死

多少。答曰。未知生馬知死。桓又嘗謂王曰。卿在

府久。比當相料理。王初不答。直高視。以手版拄

頰云。西山朝來。致有爽氣。以對。桓何道。桓

王子猷居山陰。夜大雪。眠覺。開室命酌。四望皎然。

因起。彷徨詠左思招隱詩曰。杖策招隱士。荒塗

橫古今。巖穴無結構。丘中有鳴琴。白雪停陰岡。



丹葩曜陽林。忽憶戴安道。時戴在剡。即便夜乘小舡。就之經宿。方至。造門不前。而迈人問其故。王曰。吾本乘興而行。興盡而返。何必見戴。子猷嘗暫寄人空宅住。便令種竹。或問暫住何煩。爾王直指竹曰。何可一日無此君。嘗行過吳中。見一士大夫家。極有好竹。主已知子猷當往。乃洒掃。施設在聽事。坐相待。玉肩與徑造竹下。諷蕭良久。主已失望。猶冀還當通。遂直欲出門。主人大不堪。便令左右閉門。不聽出。王更以此賞主人。乃留坐盡歡而去。又嘗出都尚。在渚下。舊聞桓伊善吹笛。而不相識。遇桓于岸上。遇王在舡中。客有識之者。云是桓子野。王便令人與相聞。云聞君善吹笛。試為我一奏。桓時已貴。顯素聞王名。

即便回。吓嘩。踞胡牀。為作三調。弄畢。便上車去。客主不交一言。其任率每如此。

王子猷詣謝公。謝問七言詩。何始。子猷承問。答曰。

離騷昂昂。若千里之駒。汎汎若水中之鳧。

王獻之為吳興守。羊不疑為烏程縣令。其子欣時。

年十二。王甚知愛之。嘗夏日入縣。欣著新練裙。

晝寢。子敬書數幅而去。欣本攻書。因之彌善。欣。

尤長于隸書。子敬之後。可以獨步。時人語曰。買。

玉得羊。不失所望。子敬嘗夜卧。齊中有羣偷入其室。盜物都盡。子敬徐曰。偷。



兒青氈我家舊物可  
特置之羣偷驚走

潘妻

王子敬有愛妾曰桃葉其妹名桃根嘗作歌送之  
曰桃葉復桃葉渡江不用楫但渡無所苦我自  
來迎接又云桃葉復蕤葉桃葉連桃根相憐兩  
樂事獨使我殷勤桃葉能詩答歌曰桃葉映紅  
花無風自婀娜春花映何限感君獨採我桃葉  
復桃葉渡江不待櫓風波了無常沒命江南渡  
後以淫見棄今金陵秦淮口有桃葉渡云  
支道林入

東見子猷兄弟還入關見諸王何如答曰見一羣白頸烏但聞喚啞啞聲耳子猷子敬俱病篤而子敬先亡子猷問左右何以都不聞消息比已喪矣語時了不悲便索興來奔喪都不哭子敬素好琴便徑入坐靈牀上取子敬琴彈弦既不調擲地云子敬子敬人琴俱亡因慟絕良久亦卒

謝尚 字仁祖小名堅石年八歲父鯤將送客爾時語已神悟諸人咸共歎之曰年少

一坐之顏回仁祖曰  
坐無尼父馬別顏回

謝尚為鎮西將軍嘗著紫羅襦據胡牀在市中佛  
國門樓上彈琵琶作大道曲曰青陽二三月柳



青菴復紅車馬不相識音落黃埃中市人不知

是三公也

仁祖善音樂桓宣武嘗語人曰諸君莫輕道仁祖企脚北窓下彈琵琶故

自有天際真人想

弟

謝安

字安石奕墨也累遷太保錄尚書事贈太傅謚文靖王儉稱為江左風流宰相

紹興府有東山山半有薔薇洞即安携妓遊綴絕頂有謝公調馬路白雲明月二亭

遺跡白雲明月即二妓名

謝安王坦之却超並少有盛譽時人語曰大才槃

槃謝家安江東獨步王文度盛德日新却嘉賓

有人問謝安石王坦之優劣於桓公桓公停欲言中悔曰卿喜傳人語不能復語卿

謝安蘭亭集詩曰相與欣佳節率爾同褰裳薄雲

羅景物微風翼輕航醇醪陶丹府兀后遊羲唐

萬殊混一象安復覺彭殤

謝傳寒雪日內集與兒女講論文義俄而雪驟下

公欣然倡韻曰大雪紛紛何所似兄子朗曰撒

監空中差可擬兄女道韞曰未若柳絮因風起

公大笑樂世稱謝庭聯句

道韞奕之女左將軍王凝之妻也聰識有



才辨既往王氏大薄疑之反還謝家意甚不悅  
叔父安慰釋之曰玉郎逸少子亦不惡汝何恨  
西爾答曰一門叔父則有阿大中郎羣從兄弟  
則有封胡過未不意天壤之中乃有玉郎封謂  
謝韶胡謂謝朗過謂謝玄末謂謝川皆其小字  
王獻之常與宗客談論詞理將屈道韞使婢謂  
獻之曰欲為小郎解圍乃施青綾  
布障申獻之前議賓客不能屈

謝公因子弟集聚問毛詩何句最佳玄稱昔我往  
矣楊柳依依今我來思雨雪霏霏道韞稱吉甫  
作頌穆如清風仲山甫永懷以慰其心安謂道  
韞所稱偏有雅人深致  
道韞同郡張玄妹亦有才質適顧氏有濟尼者

遊二家或問之對曰王夫人神情朗徹故有  
林下風韻家婦清心玉映自是閨房之秀

謝傳夫人劉不令公有別房公頗欲立妓妾令姪  
等微達此旨共訊夫人因稱關雎螽斯有不如  
之德夫人問誰撰此詩答曰周公夫人曰周公  
是男子相為耳使周姥撰詩當無此句

王國寶是謝傳壻專利無檢行謝每抑制之後國  
寶為孝武帝親暱遂危構謝帝一日召桓子野  
飲謝亦在坐帝命桓吹笛桓即吹為一弄乃放



笛云臣於箏分乃不及笛然自足以韻合歌管  
請以箏歌并請一吹笛人帝乃勅御妓吹笛桓  
六言御府人于臣必自不合臣有一奴善相便  
串帝令召之奴既吹笛桓便撫箏而歌曹子建  
怨詩曰為君既不易為臣良獨難忠信事不顯  
乃有見疑患周旦佐文武金滕功不刊推心輔  
王室二叔反流言聲節慷慨俯仰可觀謝傳泣  
下沾襟乃越席就之將其鬚曰使君於此處不

口

羊曇少為謝大傅所知大傅亡後羊輟樂彌年行  
不由西川路嘗因石頭大醉扶路唱樂不覺至  
州門因悲感不已以馬策叩扉詠曹子建詩曰  
生存華屋處零落歸山丘慟哭而去

悼桓人

堯山堂外紀卷十一終







堯山堂外紀卷十二


晉陵蔣仲舒編

六朝 晉

王胡之

字修齡司州刺史先為庾公記室參軍亮在武昌秋夜氣佳景清使胡之與殷浩等登南樓理詠亮曰老子於此處興復不淺後與謝安相善或問林公司州何如二謝林公曰故當攀安提萬

王胡之常遺世務以高尚為情謝傳常稱之曰司州可與林澤遊在謝公坐詠離騷九歌辭曰入





不言今出不辭。乘回風兮載雲旗。語人云當爾時覺一坐無人。

習鑿齒

漢習郁之後永和中西曹主簿温曰三十年看儒書不如一詣習

主簿符堅與諸鎮書昔晉平吳利在二陸今尅襄陽僅得一人半謂習與釋道安也習跛一足故戲之按堯時窳麻封豨鑿齒皆為人害鑿齒齒長五尺似鑿習以為名故字彦威

習鑿齒孫綽未相識同在桓公坐桓語孫可與習叅軍共語孫云蠢爾蠻荆敢與大邦為讐習云

薄伐獫狁。至于太原。習襄陽人孫太原人故因詩以相戲。

習鑿齒嘗與孫綽共行時綽在前顧鑿齒曰沙之汰之瓦石在後鑿齒曰簸之颺之糠粃在前。

釋道安俊辨有高才自北來荆州與習鑿齒相見道安因自通曰彌天釋道安習荅曰四海習鑿

齒當時以為名對

梁惠皎高僧傳載鑿齒與安書云夫不終朝而兩六合者

彌天之雲也弘淵源而潤八極者四海之流也故二人摘其語以為戲



習鑿齒詠燈詩云煌煌見夜燈脩脩樹間亮燈隨  
風煒燁風與燈升降

孫綽

字興公與許詢支遁輩皆以文義冠世  
王右軍並與之游日營山水弋釣之娛

歎曰我卒  
當以樂死

孫興公絕重張衡左思賦云三都二京六經鼓吹

因自作天台山賦初成以示友人范榮期啟云

卿試擲地要作金石聲范云恐此金石非中宮

商然讀至赤城霞起而建標瀑布飛流而界道

輒云應是我輩語

孫興公作列仙商丘子贊曰商丘卓犖執策吹竽

渴飲寒泉饑食芣蒲所牧何物殆非真豬儻逢

風雲為我龍攄時人多以為能王藍田述語人

云近見孫家兒作文道何物真豬也

孫興公作庾公誄文曰咨予與公風流同歸擬量

託情視公猶師君子之交相與無私虛中納是

吐誠誨非雖實不敏敬佩弦韋永戢話言日誦



心悲既成示庾道息庾見慨然送還之曰先君與君自不至於此

會稽孔沉魏顛虞球虞存謝奉並是四族之雋于

時之桀孫興目公之曰沉為孔家金顛為魏家

王虞為長琳宗謝為弘道伏長琳即存及琳字弘道謝奉字也

殷洪遠融答孫興公詩云聊復放一曲劉真長愜

笑其語拙問曰君欲云那放殷曰榆臘亦放何

必其鎗鈴邪

秋江  
郝隆 字佐治嘗七月七日日出日中仰卧人問其故答曰我睡書

郝隆為桓公南蠻參軍三月三日會作詩不能者

罰酒三升隆初以不能受罰既飲攬筆便作一

句云媿隅躍清池桓問媿隅是何物答曰蠻名

魚為媿隅桓公曰作詩何以作蠻語隆曰千里

投公始得蠻府參軍那得不作蠻語

謝公始有東山之志後嚴命屢臻勢不獲已始就

桓公司馬於時人有餉桓公藥草中有遠志公



取以問謝此藥又名小草何一物而有二稱謝  
未即答時郝隆在坐應聲答曰此甚易解處則  
為遠志出則為小草謝甚有愧色

袁喬

字彥升小字羊江夏相從桓溫平蜀封  
湘西伯益州刺史簡文問孫綽袁羊何

如曰洮  
洮清便

袁羊嘗詣劉恢恢在內眠未起袁因作詩調之曰  
角枕燦文茵錦衾爛長筵唐詩晉獻公好攻戰  
國人多喪其詩曰角枕燦兮錦衾爛兮予美亡

此誰與獨旦袁故嘲之恢尚廬陵長公主主見  
詩不平曰袁羊古之遺狂

袁宏

字彥伯小字虎為桓溫記室參軍桓喚  
袁儔馬前令作露布手不輟筆俄得七

紙殊可觀王  
珣極歎其才

袁虎少貧以運租為業謝尚時鎮牛渚乘秋佳風  
月率爾與左右微服泛江會虎在運船中諷詠  
聲既清會辭文藻拔非尚所曾聞遂住聽之乃  
遣問訊答曰是表臨汝郎誦詩即其詠史之作



也其詩曰周昌梗概臣。辭達不為訥。汲黯社稷器。棟梁天表骨。陸賈猷解紛。時與酒擣杓。婉轉將相門。一言和平勃。趨舍各有之。俱令道不沒。無名困螻蟻。有名世所疑。中庸難為體。狂狷不及時。楊惲非忌貴。知及有餘辭。躬耕南山下。蕪穢不遑治。趙瑟奏哀音。秦聲歌新詩。吐音非九。唱負此欲何之。尚佳其率有勝致。即遣要迎。談話申旦。自此名譽日茂。

袁宏始作東征賦。悉稱遇江諸名望。時桓溫在南州。宏語衆云。我決不及桓宣城。時伏滔在溫府。與宏善。苦諫之。宏笑而不答。滔密以啟溫。溫甚忿。以宏一時文宗。又聞此賦。有聲不欲令人顯。問之後。遊青山。飲酌既歸。公命宏同載。行數里。問宏曰。聞君作東征賦。多稱先賢。何故不及家君。宏答曰。尊公稱謂自非下官所敢專。故未呈啟。不敢顯之耳。溫乃云。君欲為何辭。宏即答云。



風鑒散朗。或摻或引。身雖可亡。道不可隕。溫滋  
然而止。

袁宏東征賦。都不道陶長沙。侃陶胡奴。範誘之狹

室中臨以白刃曰先公勲業如是君作東征賦

云何相忽略宏窘感無計便答我大道公何以

云無因誦曰精金百鍊在割能斷功則治人職

思靖亂長沙之勲為史所讚。宏機捷辨速自吏

謝安祖之於冶亭時賢皆集安欲卒迫試之執

揚仁風慰彼黎庶  
合坐嘆其要捷

桓宣武太和四年上疏自征鮮卑袁虎時從宣武

命作北征賦時王珣伏滔在坐桓令滔讀其賦

云聞所聞於相傳云獲麟於此野誕靈物以瑞

德奚授體於虞者悲尼父之慟泣似實慟而非

假豈一物之足傷實致傷於天下至此便改韻

珣云此韻所詠慨深千載今於天下之後便移

韻於寫送之致如為未盡滔乃云得寫字一句



足韵或當小勝袁即於坐攬筆益云感不絕於  
余心。泝流風而獨寫珣諷味久之謂滔曰當今  
文章之美當共推此生袁虎伏滔同在桓公府  
桓公嘗請參佐入宿袁伏相次而至蒞名府中  
復有袁參軍彥伯疑焉令傳教更質傳教曰參  
軍是袁伏之袁復何所疑然袁每以為耻恒歎  
曰公之厚意未足以榮國士與伏滔比肩亦何  
辱如

顧愷之

字長康晉陵無錫人愷之子小字虎頭後拜虎頭將軍桓温嘗言長康體中癡點各半世有三絕文絕畫絕癡絕

顧悦與簡文同年而髮蚤白簡文曰卿何以先白  
對曰松柏之質經霜彌茂蒲柳之姿望秋先零  
受命之異也王稱善久之

顧長康初為桓温參軍甚被親暱桓治江陵城甚  
麗嘗從江口會賓僚曰能目此城者賞時長康  
應聲曰遙望層城丹樓如霞桓即贈以二婢後  
拜桓墓作詩云山崩溟海竭魚鳥將何依人問  
之曰卿憑重桓乃爾哭之狀其可見乎顧曰鼻



如廣莫長風眼如懸河決溜

或曰聲如震雷破山淚如傾河注海

顧長康作殷荊州

仲堪

佐請假還東爾時例不給布

颯顧苦求之乃得發至破冢遭風大敗作牋與

殷云地名破冢真破冢而出行人安穩布颯無

恙

桓南郡

玄

與殷荊州語次因共作了語顧愷之曰

火燒平原無遺燎桓曰白布纏棺豎旒旒殷曰

投魚溪淵放飛鳥次復作危語桓曰矛頭淅米

劍頭炊殷曰百歲老翁攀枯枝顧曰井上轆轤

卧嬰兒殷有一參軍在坐云盲人騎瞎馬夜半

臨深池殷曰咄咄逼人仲堪眇目故也

長康好諧謔人

多愛狎之尤信小術桓玄嘗以一柳葉給之曰此蟬所翳葉也取以蔽人不可見已愷之喜引葉自蔽玄就溺焉愷之信其不見已也甚珍之

顧長康道畫手揮五絃易目送歸鴻難畫人或數

年不點目睛人問其故顧曰四體妍蚩本無關

於妙處傳神寫照正在阿堵中



顧長康嘗賦神情詩云春水滿四澤夏雲多奇峰

秋月揚明輝冬嶺秀孤松

戴逵

字安道善琴武陵王使人召之乃對使者破琴曰戴安道不能為王門伶人十歲時在瓦官寺畫王長史見之曰此童非徒能畫終當致名中年畫行像甚精妙

戴安道既屬操東山而其兄遂欲建式遏之功謝

太傅曰卿兄弟志業何其太殊遂曰下官不堪

其愛家弟不改其樂

戴安道與王元琳集于露立亭臨觴撫琴有味乎

二物之間遂共為之讚曰醇醪之興典理不乖

古人既陶至樂乃開百容乘之隗若山顏自絕

群動耳隔迅雷萬異既冥惟無有懷

王珣

字元琳小字法護封東亭侯弟珉字季琰小字僧弥兄弟皆壻謝氏王獻之為中書令珉代之時稱大令小令

王珣郗超並為大司馬所眷拔珣為主簿超為記

室參軍超為人多鬚珣狀短小干時荆州為之

語曰顧參軍短主簿能令公喜能令公怒

對文  
校書



孝武帝崩王珣為哀策出本示其族子誕曰猶少  
叙節物一句誕使攬筆益之接其秋冬代變云  
霜繁廣除風回高殿珣嘆美因而用之

王珣少有才藝與珣並有名而聲出珣右時人為  
之語曰法護非不佳僧彌難為兄

王僧彌與嫂婢謝芳姿通情好甚篤嫂箠芳姿  
過苦東亭聞而止之芳姿素善歌而僧彌好持  
白團扇嫂令芳姿歌一曲當赦之芳姿歌曰白

白團扇

團扇辛苦五流離是即眼所見僧彌聞之問曰  
柰何遺却芳姿應聲又歌曰團扇復團扇許持  
自遮面憔悴無復理羞與郎相見

王恭

字孝伯與族子忱少相善齊聲見稱司  
馬太傅為二王目曰孝伯亭上直上阿

大羅羅  
清疎

王孝伯在京行散至其弟王瞻戶前問古詩中何  
句為最睹思未答孝伯詠所遇無故物焉得不  
速老此句為使



孝武太元末王恭鎮京口民間忽有謠云黃頭小  
兒欲作賊阿公城下指縛得黃頭小兒欲作亂  
賴得金刀作蕃杆又謠云黃雌雞莫作雄父啼  
一旦去毛衣上被拉颯棲黃字頭恭字上也小  
字恭字下也時王國寶諂事會稽王道子權動  
內外恭與王珣惡之乃上表罪狀國寶遂舉兵  
反詔賜國寶死未幾恭司馬劉牢之執恭斬之  
悉如謠言

桓玄嘗登江陵城南樓云我今一爲王孝伯作誄  
因吟嘯良久隨而下筆一坐之間誄以之成其  
文曰隆安二年九月十七日將軍青兗二州  
刺史太原王孝伯薨川岳降神哲人是育旣爽  
其靈不貽其福天道茫昧孰測倚伏犬馬反噬  
豺狼翹陸嶺摧高梧林殘故竹人之云也邦國  
喪牧于以誄之爰族芳郁。

桓玄

溫之孽子也小字靈寶太元末出補義  
興太守鬱上不得志登高望震澤而歎



曰父為九州伯兒為五湖長遂棄官歸及殷仲堪失職倚玄等為援乃以子弟交質共相結約推玄為盟主玄始得志嘗問劉太常曰我何如謝太傅劉答曰公高太傅深又曰何如賢舅子敬答曰粗梨橘柚各有其美

桓玄作詩或時思不來輒作鼓吹既而思得云鳴

鵠響長阜歎曰鼓吹固自來人思玄被召作太子洗馬船泊

荻渚王大服散後已小醉往看桓桓為設酒不能冷飲頻語左右令溫酒來桓乃流涕嗚咽王便欲去桓以手巾掩淚因謂王曰犯我家諱何預卿事王歎曰靈寶故自違

隆安初殷仲堪為荊州刺史童謡云芭籠目繩縛

腹殷當敗桓當復時仲堪恐桓玄跋扈乃與楊

佺期結婚為援玄引丘擊殺之遂有荊州

桓玄既克殷仲堪後楊佺期遣使諷朝廷朝廷以

玄都督八州領江州荊州二刺史元興初司馬

元顯稱詔伐玄玄遂舉兵反元顯軍潰玄入建

康自以太尉總百揆殺元顯時有謡云長干巷

巷長干今年殺即君明年斬諸桓即君謂元顯

也及玄敗走諸桓悉誅焉



桓玄既篡後朱雀門中忽見兩小兒通身如墨相和作籠歌云車無軸倍孤木繩縛腹芒籠目路邊小兒從而和之者數十人聲甚哀楚日既夕二小兒入建康縣至閣下遂成雙漆鼓槌明年春而桓敗車無軸倚孤木桓字也玄死果以繩縛其屍芒籠其首沉諸江中又謠云草生及馬腹鳥啄桓玄目及玄敗走江陵五月中誅如其期焉

吳

字處默小  
之子禎之  
附子王羲之子徽之敬  
允之子晞之晞之子肇  
之一  
晏之子崑  
崑之子陋之皆三世同  
用之  
字胡毋輔之子謙之吳隱之子瞻之  
皆兩  
七同  
用之  
宜

吳隱之介立有清操桓玄欲革嶺南之敝以為廣州刺史去州二十里有貪泉世傳飲之者其心無厭隱之乃至水上酌而飲之因賦詩曰古人云此水一飲懷千金試使夷齊飲終當不易心及歸妻劉氏齋沉香一片隱之見之即投于湖



亭之水

隱之嘗為晉陵太守  
在郡清儉妻自負薪

義熙初廣州有童謠云官家養蘆化成荻蘆生不止自成積又云蘆生漫上竟天半蘆橙上逐水流東風忽如起那得入石頭時盧循寇廣州逐刺史吳隱之自攝州事號平南將軍安帝乃假循征虜將軍廣州刺史循擁上流數州之地內逼京輦果應天半之言後為劉裕所破竟不得入石頭其黨悉斬伐如草木之成積云

陶潛

字元亮大司馬侃曾孫也在晉名淵明存宋名潛宅邊有五柳樹因以為號為

彭澤令歎曰吾不能為五斗米折腰卒賦歸去來辭解印綬去時周續之入廬山事釋惠遠彭城劉遺民亦遁迹此山潛又不應徵命時謂為潯陽三隱元嘉中卒世號靖節先生

顏延之為劉柳後軍功曹在潯陽與潛情款後為始安郡經過潯陽日造潛飲臨去留錢二萬潛悉令送至酒家稍就取酒貴賤造之者有酒輒設潛若先醉便語客曰我醉欲眠卿且去



淵明嘗於夏月高卧北窓清風颯至自謂羲皇上  
人性不解音但畜無絃素琴每朋會則撫而和  
之曰但識琴中趣何勞絃上聲

淵明嘗聞田間水聲倚杖聽之嘆曰秫稻已秀翠  
色染人時剖胸襟一洗荆棘此水過吾師丈人  
矣

淵明宅邊多種菊每携酒吟咏其  
在人境而無車馬喧問君何能

賦詩曰結廬  
心遠地自偏

採菊東籬下悠然見南山山氣日夕佳飛鳥相  
與還此中有真意欲辯已忘言又曰秋菊有佳  
色裛露掇其英汎此忘憂物遠我遺世情一觴  
雖獨進杯盡壺自傾日入羣動息歸鳥趨林鳴  
嘯傲東軒下聊復得此生嘗九月九日出宅邊  
菊叢中坐摘菊盈把忽見白衣人檐酒至乃江  
州刺史王弘送酒也即便就酌醉而歸

江州刺史檀韶請周續之與孝士祖企謝景夷三



人共在城北講禮加以讐校所住公廨近於馬隊潛賦詩曰周生述孔業祖謝響然臻馬隊非講肆校書亦已勤蓋譏之也

淵明有子五人嘗戲以詩責之曰白髮被兩鬢肌膚不復實雖有五男兒總不好紙筆阿舒嚴已二八懶惰故無匹何宣侯行志學而不愛文術

雍份端侯年十三不識六與七通終子垂九齡但覓梨與栗天運苟如此且進杯中物或問坐客淵明

有侍兒否有一人言有之問何以知曰所謂雍端年十三不識六與七此豈非有侍兒耶坐客皆笑

淵明讀山海經詩曰精衛銜微木將以填滄海刑天舞干戚猛志故常在有作淵明詩跋尾者謂形天無千歲莫曉其意後讀山海經云刑天獸名也好銜干戚而舞乃知五字皆錯淵明詩晉

題年號入宋所作但題甲子元人鄧文原題其像曰詩中甲子春秋筆籬下黃花雨露枝便向斜川頻載酒風光不似羲熙時貢師秦題云竹杖芒鞋白鹿裘山中甲子幾春秋呼童點檢門



前柳莫飛  
花過石頭

廬山釋慧遠結社東林秘書丞謝靈運於山後鑿  
二池植白蓮呼曰蓮社潛與慧遠素爲方外交  
而不與蓮社之列一日過慧遠甫及寺聞鐘聲  
不覺顰容遽命返駕法眼禪師晚叅示衆云今  
夜聞鐘鳴復來有何事若是陶淵明攢眉却迴  
去此法眼特爲陶公揄揚也慧遠持戒精嚴選  
客遠者不過虎溪一月偕潛及簡寂觀主陸脩

靜不覺過虎溪數百步乃相與大笑而別好事  
者遂作三笑圖以紀之

淵明將逝之夕自作挽歌辭其一曰有生必有死  
早終非命促昨暮同爲人今旦在鬼錄魂氣散  
何之枯形寄空木嬌兒索父啼良友撫我哭得  
失不復知是非安能覺千秋萬歲後誰知榮與  
辱但恨在世時飲酒不得足其二曰在昔無酒  
飲今但湛空觴春醪生浮蟻何時更能嘗肴案



盈我前親舊。哭我傍。欲語口無音。欲視眼無光。  
昔在高堂寢。今宿荒草鄉。相送出門去。歸來夜  
未央。其三曰。荒草何茫茫。白楊亦蕭蕭。嚴霜九  
月中。送我出遠郊。四面無人居。高墳正嵯峽。馬  
爲仰天鳴。風爲自蕭條。幽宅一已閉。千年不復  
朝。千年不復朝。賢達無奈何。向來相送人。各自  
還其家。親戚或餘悲。它人亦已歌。死去何所道。  
託體同山阿。桓伊善挽歌。庾晞亦喜爲挽歌。每  
自搖大鈴爲倡。使左右齊和。袁山

松遇出遊則好。令左右作挽  
歌。一時名流達士習尚如此。

堯山堂外紀卷十二 終



堯山堂外紀卷十一

馮一節名詞題士習尚賦  
公出遊歷致令成外第



國家圖書館, NATIONAL CENTRAL LIBRARY, TAIWAN, R.O.C.



堯山堂外紀卷十三

晉陵蔣仲舒編

六朝 宋

武帝裕

小字寄奴嘗游京口竹林寺獨卧講

大蛇擊傷之明日至聞有杵臼聲覘之見童子數人皆青衣擣藥帝問何為荅曰吾王為劉寄奴所傷帝曰王神何不殺之兒曰寄奴王者不歿帝叱之皆散仍收藥而反以傳金創無不立驗後人遂名此藥為劉寄奴

初武帝引謝誨為太尉主簿從征關洛帝於彭城

第...

堯山堂外紀卷十三





大。會。命。紙。筆。賦。詩。悔。恐。帝。有。失。起。諫。帝。卽。代。作。  
曰。先。蕩。臨。淄。穢。却。清。河。洛。塵。華。陽。有。逸。驥。桃。林。  
無。伏。輪。於。是。羣。才。並。作。

武帝將北伐登城屬詠謝晦誦王粲詩南登灞陵  
岸回首望長安悟彼泉下人喟焉傷心肝不覺  
流涕因之輟駕

武帝丁都護歌云都護北征時儂亦惡聞許願作  
石尤風四面斷行旅又云都護北征去相送落

星墟帆檣如芒捰都護今何渠丁都護卽丁旡  
也驍勇有力帝每欲除異已必令旡拉殺之時

人語曰莫跋扈付丁旡

齊高帝欲除異已亦然其所任者桓康也時人

亦語曰莫輒張付桓康二事旣同而字亦對又皆協韻甚奇

文帝義隆

武帝第三子初封宜都王

元嘉十七年文帝袁皇后崩百官不敢作聲歌或  
因酒讌止竊聲讀曲細吟其歌曰紅藍與芙蓉  
我色與歡敵莫案石榴花歷亂聽儂摘又曰千



葉紅芙蓉照灼綠水邊。餘花任郎摘。慎莫擺儂蓮。又曰思歡久不愛。獨枝蓮。只惜同心藕。又曰折楊柳。百鳥園林啼。道歡不離口。又曰芳萱初生時。知是無憂草。雙眉畫未成。那能就郎抱。又曰憐歡敢喚名。念歡不呼字。連喚歡復歡。兩誓不相棄。又曰五鼓起開門。正見歡子度。何處宿行還。衣被有霜露。又曰打殺長鳴雞。彈去烏臼鳥。願得連冥不復曙。一年都一曉。又曰非歡獨

慊慊。儂意亦驅驅。雙灯俱時盡。奈許兩無由。又曰種蓮長江邊。藕生黃蘖浦。必得蓮子時。流離經辛苦。又曰暫出白門前。楊柳可藏烏。歡作沈水香。儂作博山鑪。又曰罷去四五年。相見論故情。殺荷不斷藕。蓮心已復生。

元嘉十七年帝徙彭城王義康於豫章時臨川王義慶爲江州相見而哭帝聞而怪之徵還義慶大懼伎妾夜聞烏夜啼聲扣齋閣云明日應有



赦及旦改南兖州刺史因此作歌其詞云籠葱

懸不開烏夜啼夜夜望郎來蓋謂其妾也

後世所傳

歌似非義慶本音歌云可憐烏白鳥彊言知天曙無故三更啼歡子冒闇去鳥生如欲飛飛飛

各自去生離無安心夜啼至天曙

隨王誕始為襄陽郡元嘉二十六年仍為雍州刺

史夜聞諸女歌謠因而作歌曰朝發襄陽城暮

至大堤宿大堤諸女兒花豔驚郎目上水郎擔

篙下水搖雙櫓四角龍子幡環環江當柱人言

襄陽樂樂作非儂處乘星冒風流還儂揚州去

樂錄有碧玉歌亦宋曲也一名千金意碧玉女南王妾名其詞曰碧玉小家女不敢攀貴德感郎千金意慙無傾城色碧玉破瓜時郎為情顛倒感君不羞赧迴身就郎抱

謝晦

字宣明與檀道濟同從武帝北征入關十策晦有其九

初武帝疾甚謝晦傅亮等同被顧命及少帝廢徐

美之以晦為荊州刺史令居外為援文帝即位

誅美之等欲并討晦晦舉兵及軍敗被執從子

世基坐從將刑世基為詩曰偉哉橫海鯨壯矣

鮑款



垂天翼。一旦失風水。翻為螻蟻食。晦續之曰功  
遂侔昔人保。退無智力。既涉太行險。斯路信難

陟

故能不決之耳。詩何為邪

謝靈運

玄之孫小時寄養于杜明禪師杜明

晉時襲封康樂公嘗半日吟詩百篇頓落

帝稱爲二寶與東海何長瑜穎川荀雍太

澤遊時人謂爲康樂四友

謝靈運守永嘉遊石門洞入沐鶴溪泊舟溪旁見

二女浣沙顏貌娟秀非塵俗態以詩嘲之曰我

是謝康樂一箭射雙鶴試問浣沙娘箭從何處

落二女邈然不顧又嘲之曰浣沙誰氏女香汗

濕新雨對人默無言何事其良苦俄而二女微

吟曰我是潭中鯽暫出溪頭食食罷自還潭雲

踪何處覓吟罷不見康樂遂回過二三里其弟

亦來訪與偕回後人以康樂回處曰大郎回其

弟回處曰小郎回



謝靈運東陽溪中贈答云可憐誰家婦緣流灑素

足明月在雲間迢迢不可得又云可憐誰家郎

緣流乘素舸但問情若何月就雲中墮劉禹錫

月墮雲中之句蓋本於此

謝惠連十歲能屬文康樂賞愛之每有篇章對惠

連輒得佳語嘗於永嘉西堂思詩竟日不就忽

夢見惠連即得池塘生春草園柳變鳴禽曰此

語有神助非吾語也區惠恭本胡人為頗師伯

造獨樂賦語侵給主被斥及大將軍修北第差

充作長時謝惠連兼記室叅軍惠恭時往共安

陵嘲調末作雙枕詩以示謝謝曰君誠能恐人

未重且可以為謝法曹造遺大將軍見之賞歎

以錦二端賜謝謝曰此詩

公作長所製請以錦賜之

謝靈運別字離合詩云古人怨信次十日眇未央

離口加我懷繾綣口詠情亦傷離力劇哉歸游

客處子勿相忘離川字口力川合成別此離一

謝靈運尋山陟嶺必造幽峻巖嶂千重莫不備盡

字一



登躡常着木屐上山則去前齒下山則去後齒嘗自始寧南山伐木開徑直至臨海從者數百臨海太守王琇驚駭謂是山賊及知靈運乃安又要太守使進琇不肯靈運贈詩曰邦君難地險旅客易山行

會稽守孟顛事佛精懇每爲靈運所輕嘗謂顛曰得道應須慧業文人公生天當在靈運前成佛必在靈運後顛深恨此言又與王弘之諸人出

千秋亭飲酒僂身大呼顛遣信相聞靈運大怒曰身自大呼何與癡人事顛益恨之遂表靈運有異志帝惜其才不罪以爲臨川內史在郡游放不異永嘉復爲有司所糾乃遣使收之靈運興兵叛逸爲詩曰韓亡子房奮秦帝魯連耻本自江海人忠義感君子禽送廷尉論斬帝以謝玄勳宜宥降死徙廣州再爲有司所奏乃詔於廣州棄市臨刑作詩曰龔勝無餘生李業有終



盡稽公理既迫。霍生命亦殞。悽悽後霜栢。納納  
衝風菌。邂逅竟無時。修短非所愍。恨我君子志。  
不得巖下泐。送心正覺前。斯痛久已忍。惟願乘

來怨親同心朕。靈運鬚美臨刑施為南海祇桓  
寺維摩詰像鬚唐中宗時安樂

公主端午鬪草欲廣其物馳驛取  
之又恐為他所得乃剪棄其餘

顏延之。字延年與謝靈運齊名性褊激號顏  
彪有愛姬盪之墜床其子竣怒殺姬

延之。汝忽見姬排屏風墜之懼而墜地因病卒

顏延年踈誕好酒不能取容當世劉湛言於彭城

王義康出為永嘉太守延年甚怨憤乃作五君

詠詠稽康曰鸞翮有時鍛龍性誰能馴詠阮籍

曰物故不可論途窮無能慟詠阮咸曰屢薦不

入官一麾乃出守詠劉伶曰韜精日沈飲誰知

非荒宴此四句蓋自叙也獨山濤王戎以貴顯

被黜不在五君之列湛及義康以其詞旨不遜

大怒欲黜遠郡於是延之屏居不與人間者七

載文帝嘗召延之頗日尋覓不值帝曰但酒肆  
中求之依旨訪覓果在酒肆裸身自挽歌了



不應對他日  
醉醒乃往

文帝問顏延之以其諸子才能曰竣得臣筆測得  
臣文奐得臣義躍得臣酒何尚之嘲曰誰得卿  
狂曰其狂不可及嘗遇何偃於途偃遙呼曰顏  
公延之怪其輕脫答曰身非三公之公又非田  
舍之公又非君家阿公何以見呼為公偃羞而  
退

何長瑜

司空無忌族也謝方明使教惠連  
讀書靈運以為當今仲宣載之去

何長瑜為臨川王記室參軍嘗於江陵寄書與族  
人何勗以韻語序臨川州府僚佐有云陸展染  
白髮欲以媚側室青青不解久星星行復出如  
此五六句輕薄少年演而廣之一時人士並為  
品目盡加劇言苦句臨川怒以白文帝除為廣  
州增城令

徐湛之產業甚厚室宇園池伎樂之妙冠于一時  
門生千餘皆三吳富人子資質端美衣服鮮麗



每行遊塗巷盈滿兩目悉以後車載之文帝每  
嫌其侈縱時安成公何勗無忌之子臨汝公孟  
靈休是景之子並名奢豪與湛之以肴膳器服  
車馬相尚都下語曰安成食臨汝飾湛之特兼  
何孟之美

何勗與殷淳之子孚共食孚羹盡勗曰益殷尊羹  
孚徐輟筋曰何無忌憚

江夏王義恭性愛古物常遍就朝士求之何勗已  
有所送而王徵索不已何甚不平嘗出行於道  
中見狗枷犢鼻乃命左右取之還以箱擎送之  
戲曰承復須古物今奉李斯狗枷相如犢鼻

王歆之

王歆之嘗爲南康劉邕相素輕邕後歆之與邕俱  
與元會並坐邕謂歆之曰卿昔見臣今能見勸  
一盃酒否歆之因效孫皓歌荅之曰昔爲汝作  
臣今與汝比肩既不勸汝酒亦不願汝年邕穆之



舟後

孫也性嗜瘡痂以味似鮫魚嘗詣孟靈休靈休先患灸瘡痂落床上邕取食之靈休大驚邕答曰性之所嗜靈休瘡痂未落者悉褫取以貽邕邕去靈休與何勗書曰劉邕向顧見取遂舉體流血南康國吏二百許人不問有罪無罪逆與鞭瘡痂常以給膳

范曄

字蔚宗母如廁而產頭額為磚所傷故以磚為小字文帝朝拜太子詹事

陸凱與范曄交善自江南寄梅花一枝詣長安與

曄兼贈詩曰折梅逢驛使寄與隴頭人江南無

所有聊贈一枝春

魯國孔熙先以范曄志意不滿說曄弒帝立彭城

王義康曄猶豫未決熙先曰丈人奕葉清通不

得連姻帝室人以犬豕相遇丈人曾不耻乎曄

門無內行故熙先以此激之曄反意乃決謀泄

被收帝有白團扇甚佳送曄令出詩賦美句曄

攬筆書曰去白日之昭昭襲長夜之悠悠上為

循覽悽然

范詹事在獄為詩曰禍福本無兆性命歸有極在

生已可知來緣儘無識好醜共一丘何足異枉



直豈論東陵。上寧辨首山。側雖無嵇生。琴庶同夏侯。色寄言生存。子此路行復。卽及臨刑擘。母至市涕泣。責擘擘色不。恠妹及妓妾。來別擘悲涕。流連擘甥。謝綜曰。舅殊不及夏侯。色擘收淚而止。

袁淑

字陽源。丹陽尹豹少子也。文帝朝為太子左衛率。太子劭謀為逆。淑切諫。左右引之出曰。此何事而可。罷劭竟殺淑。遂弑帝。

袁淑嘗詣彭城王義康。義康問其年。荅曰。鄧仲華

拜衮之歲。義康曰。身不識也。又曰。陸士衡入洛之年。義康曰。身不讀書。君無為作才語。見向。袁陽源不附劉湛。大相乖忤。陽源賦詩曰。種蘭忌當門。懷璧莫向楚。楚楚少別玉。人門非種蘭。所尋以久病免官。

袁淑戲作廬山公九錫文曰。若乃三軍陸邁。糧運艱難。謀臣停筭。武夫吟歎。爾乃長鳴上黨。忼慨應官。崎嶇千里。荷囊致餐。斯實爾之功也。音隨。



時興晨夜不默。仰契玄象，俯叶漏刻。雖挈壺著稱，未足比德。斯復爾之智也。若乃六合昏晦，三辰幽冥，猶憶天時，用不應聲。斯又爾之鳴也。青脊絳身長，頰廣額修，尾後垂目，耳雙磔。斯又爾之形也。嘉麥既熟，寔須精麩，負磨回衡，迅若轉電。惠我衆庶，神祇獲薦。斯又爾之能也。爾有濟師旅之勲，而加之以衆能，是用遣中大夫閻丘廬加爾使，銜勒大鴻臚班脚大將軍宮亭侯以揚州之廬江、江州之廬陵、吳國之桐廬、合浦之朱廬，封爾爲中驢公。

袁淑又戲作大蘭王九錫文曰：大亥十年九月乙亥朔十三日丁亥，北燕伯使使者豪豨冊命大蘭王曰：咨惟君稟太陰之沉精，標羣形於玄質，體肥腴而洪茂，長無心以遊逸，資豢養於人主，雖無爵而有秩，此君之純也。君昔封國，殷商號曰豕氏，葉隆當時名垂于世，此君之美也。白臆



彰于周詩涉波應乎隆象歌詠垂于人口經千載而流響此君之德也君相與野遊唯君為雄顧羣數百自西徂東俯歎沫則成霧仰奮鬣則生風猛毒必噬有敵必攻長驅直突陣無全鋒此君之勇也其封爾為大蘭王

鮑昭

字明遠王子瑱鎮荆楚辟為參軍遂築室黃梅今邑治即昭宅也文帝好文章自謂人莫及昭悟其旨為文多鄙言累句昭本名照武后時諱照唐人因以昭名之

鮑參軍見賣玉器者或人欲買疑其是珉不肯成

市作詩戲買者曰涇渭不可襍珉玉當早分子實舊楚客蒙俗謬前聞安知理字采豈識質明

温我方歷上國從洛入函轅揚光十貴室馳譽

四豪門奇聲振朝邑高價服鄉村寧能與爾曹

瑜瑕稍辨論

照初謁臨川王義慶猶未見知欲貢詩言志人止之曰卿名位尚卑不可輕忤大王照勃然曰大丈夫豈可遂韜知能使蕭艾不辨終日碌碌與燕雀相隨于是奏詩義慶大奇之

賜帛二十疋

湯惠休初入沙門孝武帝命使還俗贈鮑參軍菊



詩曰玳枝兮金英。綠葉兮金莖。不入君玉杯。低彩還自榮。想君不相艷。酒上視塵生。當令芳意重。無使盛年傾。鮑荅詩云。酒出野田稻。菊生高岡草。味貌復何奇。能令君傾倒。玉椀徒自羞。爲君慨此秋。金蓋覆牙枰。何爲心獨愁。

鮑參軍作數目詩云。一身仕關西。宗族滿山東。二年從車駕。齋祭井泉宮。三朝國慶畢。休沐還舊邦。四牡輝長路。輕蓋若飛鴻。五侯相餞送。高會

集新豐。六樂陳廣坐。祖帳揚春風。七盤起長袖。庭下列歌鐘。八珍盈雕俎。奇肴紛錯重。九族共瞻遲。賓友仰微容。十載學無就。善宦一朝通。

鮑參軍井字謎云。一形二體。四支八頭。一八五八。

飛泉仰流。一八者井字八角也。五八者拆井字而四之。則其爲十者四也。五八卽四

也。又土字謎云。乾之一九。隻立無偶。坤之二六。

宛然雙宿。又龜字謎云。頭如刀。尾如鉤。中央橫。廣四角六抽。右面負兩刀。左邊屬雙牛。



鮑參軍有妹名令輝歌詩往往斷絕清巧寄行人  
詩云桂吐兩三枝蘭開四五葉是時君不歸春  
風徒笑妾照常答孝武帝云臣妹才自亞于左  
芬臣才不及太冲耳

王玄謨

元嘉末首建北伐之謀文帝謂侍臣曰觀玄謨所陳令人有封狼居胥意

王玄謨御下少恩時宗越為將尤嚴酷好刑誅將  
士為之語曰寧作五年徒不逐王玄謨玄謨猶  
尚可宗越更殺我

孝武帝狎侮羣臣各有稱目柳元景桓護之雖並  
北人而王玄謨獨受老儉之目嘗為玄謨作四  
時詩曰董茹供春膳粟漿充夏餐炮醬調秋菜  
白醪解冬寒

沈慶之

字弘先為建威將軍大破山蠻羣蠻皆稽顙慶之著狐皮帽羣蠻號曰蒼

公頭

沈慶之目不知書每將署事輒恨眼不識字孝武  
嘗歡飲羣臣逼令作詩慶之請顏師伯執筆口



授之曰。微生遇多幸。得逢時運昌。朽老筋力盡。徒步還南岡。辭榮此聖世。何愧張子房。上甚悅。衆坐稱美。蕭斌等嘗笑慶之曰。沈公乃更學問也。學也。

孝武帝駿

文帝第三子。小字道民。初封武陵王。自晉氏渡江以來。宮室草創。至帝始大修之。土木俱被錦繡。

徐幹室思曰。浮雲何洋洋。願因通我辭。一逝不可歸。嘯歌久踟躕。人離皆復會。我獨無反期。自君

之出矣。明鏡闇不治。思君如流水。何有窮已時。孝武帝擬之曰。自君之出矣。金翠暗無精。思君如日月。迴環晝夜生。一時諸賢共賦。遂以自君之出矣為題。

孝武帝用悲客。他方四方字。離合雜言云。霏雲起兮。汎濫雨霽昏而不消。離非字。意氣悄以無樂。音

塵寂而莫交。

離心字非。心合成悲。

守邊境以臨敵。寸心厲

以戎昭。

離心字。

閣盈圖記。門滿賓僚。

離各字。

仲秋始



戒中園初凋。離池育秋蓮。水滅寒漂。離也字

指歸塗以易感。日月逝而難要。離二分中心而

誰寄。人懷念而必謠。離刀字二

謝莊字希逸子五人颺 朏朏 顯顯 崧崧 滌滌 世世 謂謂 莊莊 名名

六代五人皆為吏部尚書

元嘉中南平王獻赤鸚鵡。普詔羣臣為賦。袁陽源

文冠當時。賦畢賫示謝希逸。時希逸賦亦竟。其

文云。雲移霞峙。霞委雪翻。陸離暈漸。容與鴻軒。

躍林飛岫。煥若輕電。激銀漢。集場樓。圓暉若天。

桃被玉園。袁見而嘆曰。江左無我。卿當獨秀。我

若無卿。亦一時之傑也。遂隱其賦。

孝武帝嘗吟謝莊月賦。稱歎良久。謂顏延之曰。希

逸此作。可謂前不見古人。後不見來者。延之對

曰。美則美矣。但莊始知隔千里。兮共明月。帝召

莊以延之答語。語之。莊應聲曰。延之作秋胡詩

始知生為久。別離沒為長。不歸帝撫掌笑曰。人



好朝諛未有不遇其敵者

謝莊代顏竣為吏部尚書竣容貌嚴毅常有不可犯之色莊風姿溫美有諠訴者常懽笑荅之時人語曰顏吏部嗔而與人官謝吏部笑而不與人官

王或

字景文與明帝名同故稱字孝武選侍中四人並以風貌王或謝莊為一雙阮何雙

明帝以王景文外戚貴盛張永累經軍旅疑其將

來難信乃自為謔言曰一士不可親引長射殺

人帝慮晏駕後皇后臨朝景文或有異圖遣使齋手教并藥賜或景文正與容棊叩函看已復置局下神色不變局竟斂子納奩畢徐曰奉教見賜以成方以教示容乃作墨啓致謝飲藥

卒而

何偃

字仲弘父尚之元嘉中為丹陽尹立宅南郊外設學以聚生徒謂之南學偃子

戡戡子惠景惠景子昌禹昌禹子敬容五世為吏部尚書偃姪點胤求並棲遁世號點為太山胤為小山求

王綯或之長子是何尚之外孫年六歲聰穎非常



神

尚之特加賞異嘗教讀論語至郁郁乎文哉尚之戲曰可改為耶耶乎文哉絢捧手對曰尊者

之名安得為戲亦可道草翁之風必舅吳蜀之人

為耶翁即指尚之舅皆偃

晉熙王昝字休道文帝第九子

廢帝立以昝為徐州刺史人間言昝有異志帝欲加誅討昝即起兵統內數郡無應者知事不捷乃棄母妻奔魏惟妾一人騎馬自隨在道慷慨

為斷句曰白雲滿鄣來黃塵暗天起關山四面

絕故鄉幾千里人甚憐之昝後甚為魏孝文所禮重使都督吳越彭

楚諸軍事鎮徐州卒謚曰明徐

丘靈鞠遲之父初領驍騎將軍丘不樂武位謂人曰我應還東掘顧榮塚江南地

方千里士子風流皆出此中顧榮忽引諸儻渡江妨我輩塗轍後入梁為祭酒曰人居官顧數遷使我終身為祭酒不恨也嘗在沈深坐見王儉詩深曰王令文章大進笑曰何如我未進時

孝武帝殷貴妃亡靈鞠獻挽歌三首有云雲橫廣



陌暗霜深高殿寒帝摘句咨嗟賞之即轉為北

平參軍帝與羣臣上貴妃墓令醫術楊志哭之志甚嗚咽人問卿那得此副急淚志曰

我自哭亡妾耳

丘靈鞠嘗詣褚淵淵不起曰比脚疾不復能起靈

鞠曰脚疾亦是大事公為一代鼎臣不可復為

覆餗

袁粲字景倩淑兄子世稱袁尹踈放好酒嘗步彊白楊郊野間道遇一士人便呼與

是酣飲明日此人謂被知遇詣門求通袁曰昨日飲酒無偶聊相邀爾勿復為煩

宋末蕭道成弒其主昱而立安成王準中書監袁

粲尚書令劉秉謀誅之褚淵發其謀粲兵敗遇

害淵獨輔政于時百姓語曰可憐石頭城寧為

袁粲死不作褚淵生

劉侯彥節子也嘗賦詩云城上草植根非不高所

恨風霜早後彥節與袁景倩謀誅蕭道成不剋

死侯亦被害



外風濤早。對彥論與京景。前時若蕭道。故不談  
隆。邦彥。若子。出嘗。與。若。可。故。上。草。非。非。不。高。後。  
素。藥。必。不。計。斷。斷。生。

善。能。斷。斷。如。于。部。百。故。論。曰。可。斷。可。斷。如。草。草。  
藥。尚。書。令。隆。東。指。精。之。善。能。斷。其。其。藥。其。規。則。  
平。末。蕭。道。為。其。王。是。而。之。其。法。王。聖。中。書。聖。家。



國家圖書館, NATIONAL CENTRAL LIBRARY, TAINAN, ROC



堯山堂外紀卷十四

晉陵蔣仲舒編

六朝齊

高帝道成

蕭何二十四世孫宋世與袁粲褚淵劉秉更日入直決事號為四貴

高帝鎮淮陰時為宋明帝所疑被徵為黃門郎深  
懷憂慮見平澤有羣鶴命筆詠之曰八風儻遇  
翻九野弄清音一摧雲間志為君苑中禽

高帝與王僧虔賭書曰誰為第一僧虔對曰臣書



臣中第一。陛下書帝中第一。帝笑曰：卿可為善。

自謀矣。或云帝問我書何如，卿對曰：臣正書第一。

臣無第三。陛下無第一。帝大笑曰：卿善為辭。

褚淵字彥回，宋中書令，其貌甚美。山陰公主就廢帝請以自侍，帝召西上閣宿。十日

公主夜就之，備見逼迫，不為移志。主曰：公

不取首，為亂階。

甚美。淵援琴奏別鵠之曲，宮商既調，風神諧暢。

莊撫節歎曰：以無累之科，合有道之器。宮商暫

離，不可得已。

褚彥回送王僧虔赴湘州，閣道壞，墜水。僕射王儉

驚跳下車謝超宗，拊掌笑戲曰：落水三公，墜車

僕射。彥回出水，露濕狼籍。超宗先在僧虔舫，抗

聲曰：有天道焉。天所不容，地所不受。投畀河伯，

河伯不受。彥回大怒曰：寒士不遜。超宗曰：不能

賣袁劉，得富貴焉。免寒士前後言，諂稍布朝野。



淵世子賁耻其父失節服除遂不仕以爵讓其弟秦屠居墓下終身

王儉

字仲寶宋官侍中入齊為國子祭酒子陳孫承皆為國職三世國師前代未有

王仲寶手筆典裁為當時所重少便有宰相志賦

詩云稷契匡虞夏伊呂翼商周

王僧佑儉從弟也儉嘗鳴笳列騶至僧佑門僧佑輒稱疾不出贈儉詩曰汝家在市門我家在南郭汝家饒賓侶我家多鳥雀儉歎曰此語所望於若人也世並賢之

客有姓譚者詣王儉求官儉謂曰齊侯滅譚那得有君答曰譚子奔莒所以有僕儉賞其善諶卒得職

新野庾杲初為駕部郎清貧自業食唯有韭菹生菜任彥昇嘗戲曰誰謂庾郎貧食鮭嘗有二十七種菜王儉用為長史安陸侯蕭緬與儉書曰盛府元僚實難其選庾景行泛淶水依芙蓉何其麗也時人以儉府為蓮花池故緬書言之

儉嘗



集才學之士總校虛實類物隸之謂之隸事何  
憲等諸學士於儉弟隸事賭巾箱几案雜服飾  
人人各一兩物陸彥深後成隸出人表一時奪  
去憲又於儉隸事獨勝儉賞以五花篔白團扇  
意殊自得王擢後至操筆便成事既與博辭亦  
華美衆皆擊賞擢乃命左右抽篔手自掣扇登  
車而去

### 武帝蹟

字宣遠高帝長子

武帝出遊鍾山幸何美人墓有朱碩仙善歌吳聲  
續曲歌云儂憶所歡時緣山破荻荏山神感儂  
意盤石銳鋒動帝神色不悅曰小人不遜弄我

時朱子尚亦善歌復爲一曲云曖曖日欲宴歡  
騎立踟躕太陽猶尚可且願停須臾帝悅於是  
俱蒙厚賚

武帝布衣時嘗遊樊鄧登祚以後追憶往事作估  
客樂曰昔經樊鄧役阻潮梅根渚感憶追往事  
意滿辭不叙帝使樂府令劉瑤管絃被之教習  
卒遂無成有人啟釋寶月善解音律帝使奏之  
旬日之中便就諧合敕歌者常重爲感憶之聲



寶月又上兩曲凡四章其曲云郎作十里行儂  
作九里送拔儂頭上釵與郎資路用有信數寄  
書無信心相憶莫作瓶落井一去無消息大編  
珂我頭何處發揚州借問編上郎見儂所歡不  
初發揚州時船出平津泊五兩如竹林何處相  
尋博帝遂數乘龍舟遊江中以絰越布為帆綠  
綵為帆緯鍤石為篙足篙榜者悉著鬱林布作  
淡黃袴舞此曲用十六人云

巴東王子響武帝之子為荊州刺史要直閣將軍  
董蠻與同行蠻曰殿下癩如雷敢相隨耶子響  
曰君敢出此語亦復奇癩帝聞而不悅曰人名  
蠻復何容得蘊藉乃改為仲舒巴東王嘗問曰  
今日仲舒何如昔日仲舒答曰昔日仲舒出自  
私庭今日仲舒降自先帝以此言之勝昔遠矣

又蜀有青城山隱士曰  
董仲舒見樵秀蜀記

柴廓 東陽人



柴扉有行路難雜體云君不見孤鴈關外發酸嘶  
度揚越空城客子心腸斷幽閨思婦氣欲絕凝  
霜夜下拂羅衣浮雲中斷開明月夜夜遙遙徒  
相思年年望望情不歇寄我匣中青銅鏡倩人  
爲君除白髮行路難行路難夜聞南城漢使度  
使我流淚憶長安釋寶月嘗憇其家會廓亡因  
竊而有之刻爲已作廓子見而大忿齋手本出  
都欲訟此事實月厚賂之乃免

王融

字元長秘書丞嘗圖古今雜體有  
六十四書徑丈一字方寸千言

永明初竟陵王子良鎮西州才雋之士皆集其門  
范雲蕭琛任昉王融蕭衍謝朓沈約陸倕並以  
文學見親號曰八友柳惲王僧孺江革范縝孔  
休源亦預焉子良篤好釋氏招致衆僧講論佛  
法一日融往栖玄寺聽講畢遊西邸園賦詩云  
道勝業茲遠心閑地能隙桂崦鬱初栽蘭墀坦  
將闢虛檐對長嶼高軒臨廣液芳草列成行嘉



樹紛如積流風轉還逕清煙泛喬石日泊山照

紅松映水華碧暢哉人外賞遲遲眷西夕竟陵王字

雲英武帝第二子嘗夜集學士刻燭為詩四韻者則刻一寸以此為率蕭文琰曰燒一寸燭而成四韻詩何難之有乃與江洪等共叩銅鉢響絕則成詩皆可觀

王融謝眺江革沈約阻雪聯句遙和眺詩云積雪

皓陰地北風鳴細枝九達密如繡何異遠別離

革詩云風庭舞流霰冰池結文澌飲春雖以燠

欽賢紛若馳融詩云朱靈條間響玉雷閣下垂

杯酒不相接寸心良共知約詩云初昕逸翮舉

日昊駑馬疲幽山有桂樹歲暮空參差

古詩藁砧今何在山下復有山何當大刀頭破鏡

飛上天藁砧砧也音協於夫山山出也大刀頭

有環義取於還破鏡上天謂月缺之候蓋隱語

也王融有代藁砧二首云花帶今何在不是林

下生何當垂兩髻團扇雲間明鏡臺今何在寸

身正相隨何當碎聯玉雲上壁已虧



王融詣王僧佑因遇沈昭畧未相識昭畧顧盼謂  
主人曰是何年少融殊不平謂曰僕出於扶桑  
入於暘谷照耀天下誰云不知而卿此問昭畧  
曰不知許事且食蛤蜊融曰物以羣分方以類  
聚君生長東隅居然應嗜此族

王文憲初拜儀同王元長贈詩

頗及規諷文憲甚憚之笑謂人曰穰侯印詎便可解

謝眺

字玄暉宣城太守因登三山得澄江靜

山南梁武極愛眺詩嘗曰三日不讀謝眺詩覺口臭

隨王子隆在荊州好詞賦數集僚友謝元暉為其  
功曹自京趨荊州同朝諸賢以詩餞別沈約詩  
云漢池水如帶巫山雲似蓋滌汨背吳潮潺湲  
橫楚瀨一望沮漳水寧思江海會以我徑寸心  
從君千里外范雲詩云陽臺霧初解夢渚水裁  
淥遠山隱且見平沙斷還續分絃饒苦音別唱  
多悽曲爾拂後車塵我事東臯粟王融詩云所  
知共歌笑誰忍別笑歌離軒思黃鳥分渚愛青



三山堂外紀卷十四  
莎翻情結遠。灑淚與行波。春江夜明月還望。  
情如何。蕭琛詩云執手無還顧。別渚有西東。荆  
吳眇何際。煙波千里通。春筍方解箨。弱柳向低  
風。相思將安寄。悵望南飛鴻。劉繪詩云汀洲千  
里芳。朝雲萬里色。悠悠在天隅。之子去安極。春  
潭無與窺。秋臺誰共陟。不見一佳人。徒望西飛  
翼。謝元暉答云春夜別清樽。江潭復爲客。歎息  
東流水。何如故鄉陌。重樹始芬葢。芳洲轉如積。  
望望荆臺下。歸夢相思夕。

沈右率座謝眺王融輩賦三物爲詠。眺賦幔云幸  
得與君綴幕。歷君之楹。月映不辭。卷風來。輒自  
輕。每聚金鑪氣。時駐玉琴聲。但願置樽酒。蘭缸  
當夜明。融賦琵琶云抱月如可明。懷風殊復清。  
絲中傳意緒。花裏寄春情。掩柳有奇態。悽鏘多  
好聲。芳袖幸時拂。龍門空自生。約賦篋云江南  
簫管地。妙響發孫枝。殷勤寄玉指。含情舉腹垂。



雕梁再三繞。輕塵四五移。曲中有深意。丹心君詎知。

會稽孔闓初有才華。未爲時所知。孔珪嘗令草表以示謝眺。眺嗟吟良久。自折簡寫之。謂珪曰。此子聲名未立。應共獎成。無惜齒牙。餘論其好獎人才如此。獨輕江祐。爲人祐常詣眺。眺因言有一詩呼左右取。旣而便停。祐問其故。云定復不急。祐以爲輕。已後祐及弟祀。劉渢。劉晏俱候眺。

眺謂祐曰。可謂帶二江之雙流。祐轉不堪。後遂構害。

劉繪

字士章  
彭城人

永明末都下人士盛爲文章。談義皆湊。竟陵西邸劉繪爲後進領袖。時張融言辭辨捷。周顒彌爲清綺。而繪音采贍麗。雅有風則。時人爲之語曰。三人共宅。夾清漳。張南。周北。劉中央。言處二人間也。



劉繪為南康相郡人有姓賴者所居名穢里刺謁繪繪戲朝之曰君有何穢而居穢里此人應聲曰未審孔子何闕而居闕里繪默然無忤意嘆其辨速

張緒

字思曼少知名清簡寡欲叔父鏡語人曰此兒今之樂廣也從弟融字思光高

帝常笑曰此人不可無一不可有二

張思光年弱冠道士陸修靜以白鷺羽塵尾扇遺之曰此既異物以奉異人。

張融善草書高帝謂曰卿書殊有骨力但恨無二王法答曰非恨臣無二王法亦恨二王無臣法又嘗歎曰不恨我不見古人恨古人不見我。

高帝嘗面許張融為司徒長史勅竟不出融乘一馬甚瘦帝曰卿馬何瘦給粟多少融曰日給一石帝曰何瘦如此融曰臣許而不與明日即除司徒長史

張融與弟寶積俱謁高帝融於御前放氣寶積起



謝曰臣兄觸忤宸扆上笑而不問須臾食至融排寶積不與同食上曰何不與賢弟同食融曰臣不能與洩氣之口同盤上大笑

張融為海賦文辭詭激獨與眾異後以示鎮軍將軍徐凱之凱之曰卿此賦實超玄虛但恨不道監耳融即求筆增曰漉沙搆白熬波出素積雪中春飛霜暑路

張融贈別詩云白雲山上盡清風松下歇欲識離人愁孤臺見明月

陸惠曉與張融並居其間有池池上有二株楊柳何點見而歎曰此池便是醴泉此木便是交讓舊傳有交讓瀆因張陸也

張思光既免官為詩與何徵士頗有高尚之言何答曰昔聞東都日不在簡書前思光久病之及何後婚孔氏女思光始為詩贈何曰惜哉何居士薄暮遘荒淫何亦病之而無以釋也



張融嘗乞假還武帝問所居答曰臣陸居無屋舟  
居無水上未解它日問其從兄緒緒曰融近東  
出未有居止權牽小船於岸上住上大笑融與  
何哉善往詣哉誤通尚書劉澄下車入門乃曰  
非是至戶望澄又曰非是既造席視澄曰都自  
非是乃去

張緒亡後融齋酒於靈前酌飲慟哭曰阿兄風流  
頓盡時益州獻蜀柳數株枝條甚長狀若絲縷  
武帝命植之雲和殿前賞玩咨嗟曰此楊柳風

流可愛似張緒當年賦

周顥字彥倫初隱北山後應聘出孔稚

周彥倫清貧寡欲終日嘗蔬食雖有妻子獨處山

舍王儉嘗問彥倫卿山中何所食彥倫答曰赤

米白鹽綠葵紫蓼文惠太子嘗問菜食何味最

佳彥倫曰春初早韭夏末晚菘

周彥倫少往外氏臧車騎雙家得衛恒散隸書法

學之甚工文惠太子使彥倫書玄圃茅齋壁國



子祭酒何胤以倒薤書就彥倫換之彥倫笑曰  
天下有道立不與易也

東昏侯寶卷

字智歲明帝殂寶卷惡靈極在  
太極殿欲速壘每當哭輒云喉

痛大中大夫羊闡入臨無髮俯仰憤脫  
寶卷輒哭大笑謂左右曰禿鷲啼來乎

永元二年後宮火時寶卷昏淫嬖倖之徒皆號為  
鬼有趙鬼者能讀西京賦言於帝曰栢梁既灾  
建章是營乃大起芳樂玉壽等殿又即閱武堂  
為芳樂苑苑中立店肆以潘妃為市令自為市

吏錄事將鬪者就潘妃罰之帝小有得失潘則

與杖乃勅虎賁不得進大荆子又開渠立埭躬

自引船埭上設店坐而屠肉于時百姓歌云閱

武堂種楊柳至尊屠肉潘妃酤酒

妃小字玉奴  
東昏鑿金蓮

花貼地令妃行其上曰此步步生蓮花  
也齊亡王茂清欲妻之玉奴守節而死

永元中童謠云野猪雖嗥嗥馬子空閭渠不知龍

與虎飲食江南墟七九六十三廣莫人無餘烏

集傳舍頭今汝得寬休但看三八後摧折景陽



樓時陳顯達崔慧景敗死蕭衍起兵襄陽蕭穎  
胄起兵江陵移檄建康數寶卷罪惡顯達屬豬  
慧景屬馬衍屬龍穎胄屬虎慧景攻臺城頓廣  
莫門死時年六十三齊起建元元年至中興二  
年共二十四年三八二十四也摧折景陽樓亦

高臺傾之意

穎胄字雲長衍與登烽  
火樓賦詩穎胄詩合肯

堯山堂外紀卷十四終



堯山堂外紀卷十五

晉陵蔣仲舒編

六朝梁

武帝衍

日角龍顏重岳虎顧舌文八字身壯日無影有文在右手曰武侯景呼為

蕭衍  
老公

武帝在竟陵西邸早與蕭琛狎每朝讌接以舊息呼為宗老琛亦奉陳昔息以早選中陽夙忝同閑雖迷興運猶荷洪慈上答云雖云早契濶乃



自非同志。勿談興運。初且道狂奴異。

蕭彥瑜

琛

嘗與御宴醉伏筵中武帝以棗投之彥

瑜取棗擲上正中面帝動色言汝那得如此彥  
瑜答曰陛下投臣以赤心臣敢不報以戰栗上  
大悅

中書侍郎謝覽侍武帝坐受敕與侍中王暕為詩  
答贈其文甚工仍使復作復合旨乃賜詩曰夔  
文即後進二少實名家豈伊止棟隆信乃俱聲

華又於九日朝宴獨命蕭景陽曰今雲物甚美  
卿得不斐然乃賦詩詩成又降旨曰可謂才子

張率侍武帝遊宴賦詩武帝別賜率詩曰東南有  
才子故能服官政余雖慚古昔得人今為盛率

承認徃復六百篇

率年十六作賦頌二千餘首

毀更為詩示焉託云沈約誦更句句嗟  
稱無字不善率曰此吾作也訥慙而退

武帝宴壽光殿詔羣臣賦詩時劉孺與張率並醉  
辭未及成武帝取孺手板戲題之曰張率東南



美劉孺洛陽才覽筆便應就何事久遲回孺七歲能

屬文叔父瑱常置座側  
謂賓客曰此吾家明珠

武帝結好於魏遣始安王方略入關送之作詩曰  
如何吾幼子勝衣已別離十日無由宴千里送  
遠垂

蕭恪為雍州刺史委政羣下賄賂公行客有江仲  
舉蔡遽王臺卿庾仲容皆有蓄積人間歌曰江  
千萬蔡五百王新車庾大宅武帝續之曰主人

憤憤不如客帝以示恪恪大慙乃折節學問所  
歷以善政稱

武帝河中之水歌曰河中之水向東流洛陽女兒  
名莫愁莫愁十三能織綺十四採桑南陌頭十  
五嫁為盧家婦十六生兒字阿侯盧家蘭室桂  
為梁中有鬱金蘇合香頭上金釵十二行足下  
絲履五文章珊瑚掛鏡爛生光平頭奴子擊履  
箱人生富貴何所望恨不早嫁東家王



武帝時有沙門詔曰帝大署曰貞有司未辯徧問  
莫知劉顥曰貞文字為与上人帝忌出之

潤州甘露寺在北固山榜曰天下名山第一乃天  
監中武帝御書寺趾有大佛殿楹間刻一聯云  
北固山北顧好北固山真箇好上林卷上林早  
上林花真箇好

昭明太子統

小字維摩讀書五行  
俱下五歲讀五經

昭明在東宮雅好文學嘗與三紀室筠劉長史孝

綽陸庶子儒到舍人洽殷常侍芸遊宴玄圃太  
子獨執筠袖撫孝綽肩語曰所謂左把浮丘袖  
右拍洪崖肩

昭明與諸名士汎舟玄圃池番禺侯軌盛稱此中  
宜奏女樂昭明初無言直誅左思招隱詩云何  
必絲與竹山水有清音軌慙而止

昭明集諸名士賦大言細言沈約等並應令為之  
昭明大言曰觀修鯤其若轍鮒視滄海之如濫



觴經二儀而跼蹐。跨六合以翱翔。細言曰坐卧鄰空塵。憑附蟪螟翼。越咫尺而三秋度。毫釐而九息。約大言曰隘此大汎庭。方知九陔局。窮天豈弥指。盡地不容足。細言曰開館尺捶餘。築檝微塵裏。蝸角列州縣。毫端建朝市。王錫大言曰欲遊五嶽。迫不得申。杖千里之木。鱗橫海之鱗。細言曰冥冥藹藹。離朱不辯其實。步蝸角而三伏。經針孔而千日。王規大言曰俯身望日入。下

視見星羅。嘘八風而為氣。吹四海而揚波。細言曰針鋒於馬止息。髮杪可以翱翔。蚊眉溪而易阻。蟻目曠而難航。張繡大言曰河流既竭。日月俱騰。且羅微物。動落雲鵬。細言曰遨遊蟻目。辨輕塵。蚊睫成宇。蝨如輪。殷鈞大言曰噫氣為風。揮汗成雨。聊灼戴山龜。欲持探遠古。細言曰汎舟毛滴海。為政蝸牛國。逍遙輕塵上。指辰問南北。



明山賓七歲能言玄理十三博通經傳州辟從事  
史起家奉朝請累遷中書侍郎昭明聞其築室  
不就令曰明祭酒出撫大藩擁旄推轂珥金拖  
紫而恒事屢空聞構宇未成今送薄助并貽以  
詩曰平仲古稱奇夷吾管擅美今則挺伊賢東  
秦固多士築室非道傍置宅歸仁里庚桑方可  
繫原生今易擬必未三徑人將招三徑士

初天監元年統立為皇太子民間有謠云鹿子開

城門城門鹿子開當開復未開使我心徘徊城  
中諸少年遂歡歸去來按鹿子開者反語為來  
子哭也中大通三年昭明果薨其子歡時為徐  
州刺史以嫡孫次應嗣位而武帝意在晉安王  
循豫未決及立晉安王為皇太子而歡止封豫  
章郡王還任謠言心徘徊者未定也歸去來者  
復還徐方之象昭明有一琉璃盃紫玉盃皆武  
帝所賜既薨詔置梓宮後更葬  
開墳為闔人携入大航有燕雀數萬擊之因為  
肴司所縛乃獲二寶帝聞而驚異詔以賜太孫



封墳之際復有燕雀數萬街上以增其上墳側今有湖後人因名燕雀湖

簡文帝綱

武帝第三子讀書十行俱下六歲便能屬文武帝驚其早就不信及

于御前面試嘆曰此吾家東阿也初生時誌公謂帝此子與寃家同年生其年侯景生於廐門後亂梁誅蕭氏略盡

簡文辭藻艷發然傷於輕靡時號宮體嘗有咏變

童詩曰變童嬌麗質踐董復超瑕羽帳晨香滿珠簾夕漏賒翠被含鴛色雕牀鏤象牙妙年同小史姝貌比朝霞袖裁連璧錦戔織細種花攬

袴輕紅出迴頭雙鬢斜嬾眼時含笑玉手乍板  
蒼懷猜非後釣密愛似前車定使燕姬妬彌令  
鄭女嗟

簡文與湘東王遊後園湘東作迴文詩曰斜峰繞  
徑曲聳石帶山連花餘拂戲鳥樹密隱鳴蟬簡  
文和詩曰枝雲間石峰脈水浸山岸池清戲鵲  
聚樹秋飛葉散

簡文有咏雪詩顛倒使韻以二句衍作四句云鹽



飛。亂。蝶。舞。老。落。飄。粉。匳。匳。粉。飄。落。花。舞。蝶。亂。飛。  
鹽。

簡文七夕宴諸文士賦穿針詩曰憐從帳裏出想  
見夜窗開針歌疑月暗縷散恨風來劉孝威和  
云縷亂恐風未衫輕羞指現故穿雙眼針特縫  
合歡扇。

簡文卦名詩云柳比園巷湍徑復水流新離禽時  
入岫旅谷乍依蘋豐壺要上客鵠鼎命嘉賓車

由泰夏闔馬散咸陽塵連舟雖未濟分密已同  
人。

簡文時費旭詩有句云不知是耶非殷芸詩有句  
云飄颺雲母舟帝大咲曰旭既不識其父芸又  
飄颺其母耶。

朱异蒙倖在朝莫不側目雖太子亦不能平及侯  
景亂圍城城內咸尤异簡文為四言詩曰曠彼  
阪田嗟斯氛霧謀之不臧塞我王度。



簡文為侯景幽繫題壁自叙云有梁正士蘭陵蕭世績立身行道終始如一風雨如晦鷄鳴不已弗欺暗室豈沈三宄數至於此命也如何又作連珠曰吾聞道行則五福俱奏運閉則六極所鍾是以麟出而悲豈唯孔子途窮則慟寧止嗣宗簡文既見廢自知不久指所居殿謂舍人殷不害曰龐涓死于此後王偉與彭鶴王修纂進觴而前曰丞相以陛下幽憂日久使臣上壽簡文笑曰已禪位何得言陛下遂盡酣謂曰不圖為樂一至於此既醉而寢鶴進土囊遂死

簡文有寒夕詩云雪花無有帶冰鏡不安臺又詠月云飛輪了無轍明鏡不安臺後人以為詩識謂無帶者是無帝不安臺者臺城不安輪無轍者以邵陵王名綸空有赴援名也

元帝繹武帝第九子初封湘東王攻書善畫自圖宣尼像為之贊而書之時人謂

絕之三

元帝母阮修容曾失一珠元帝時幼竊吞之謂是左右所盜乃炙魚眼厭之信宿之間珠遂便出



帝尋一目致眇蓋魚之報也邵陵王綸賦詩戲

之曰湘東有一病非啞復非聾相思下隻淚望

直有全功

徐妃嘗侍帝以帝眇一目知帝將至為半面粧帝見之大怒而出

劉諒好學有文才為湘東王所善王嘗遊江濱歎秋望之美諒對曰今日可謂帝子降於北渚王以為刺已應曰卿言目眇眇而愁予耶從此嫌之

元帝初與廬陵王續相謗帝之臨荊州也有宮人

李桃兒者以才慧得進及還以李氏行時值宮

戶禁重廬陵具狀以聞帝泣對使訴於簡文簡

文和之不得帝猶懼送李氏還荊州為詩曰秋

氣蒼茫結孟津復送巫山薦枕神管時慊慊愁

應去今日勞勞長別人李氏世所謂西歸內人

者也

元帝嘗作燕歌曰燕趙佳人本自多遼東少婦學

春歌黃龍戍北卷如錦玄菟城南月似蛾如何



此時別夫婿。金羈翠旆往交河。還聞入漢去。燕  
營怨妾愁。心百恨生。漫漫悠悠天未曉。遙遙夜  
夜聽寒更。自從異縣同心別。偏恨同心成異節。  
橫波滿臉萬行啼。翠眉暫斂千重結。並海連天  
合不開。那堪春日。上春臺。惟見遠舟如落葉。復  
看過舸似行杯。沙汀夜鶴嘯羈雌。妾心無趣坐  
傷離。翻嗟漢使音塵絕。空傷賤妾燕南陲。

武陵王紀稱帝於蜀起兵。內伐元帝。與之書許其

還蜀。專制岷方。紀不從。帝遺之詩云。回首望荆  
門。驚浪且雷奔。四鳥嗥長別。三聲悲夜猿。圓正  
者。紀之子也。紀僭號帝。下圓正於獄。在獄連句  
云。水長二江急。雲生三峽昏。願赦淮南罪。思報  
阜陵恩。帝覽詩而泣。紀敗。圓正號哭絕食而死。  
元帝初年。侯景伏誅。傳首至江陵。帝命梟於市。三  
日然後煮而漆之。以付武庫。先是江陵謠言云。  
苦竹町。市南有好井。荊州軍殺侯景。及景首至。



湖東付諮議參軍宗季長季長宅東即苦竹町也既加鼎鑊卽用市南水焉

洛陽王偉學通周易仕魏為行臺郎同侯景叛嘗在揭陽賦詩曰平明聽戰鼓薄暮叙存亡楚漢方龍鬪秦關陣未央既被執送江陵繫獄以詩贈元帝下要人曰趙壹能為賦鄒陽解獻書何惜江西水不救轍中魚又上五十韻詩以希不死帝愛其詞翰猶欲未誅左右疾之曰前日偉

作檄文甚佳帝求視之有云項羽重瞳尚有烏江之敗湘東一目寧為赤縣所歸乃大怒殺之

蕭範

武帝從子

蕭範都督雍州刺史撫循將士盡得歡心時論者謂範欲為賊又童謠云莫匆匆且寬公誰當作天子草覆車邊已然卒魚鱗

釋寶誌

不知何許人齊宋之交稍顯靈跡被髮徒跣語默不倫預言未兆言多玄

驗在梁武帝尤溪敬

事天監十三年卒



天監三年六月八日武帝講于重雲殿誌公太師  
忽然起舞歌樂須臾悲泣賦五言詩云樂哉三  
十餘悲哉五十裏但看八十三子地妖災起佞  
臣作欺妄賊臣滅君子若不信吾言龍時候賊  
起且至馬中間銜悲不見喜梁自天監至于大  
同三十餘年江表無事至太清二年臺城陷帝  
享國四十八年所言五十裏也太清元年八月  
十三日景自懸瓠來降在丹陽之北子地帝惑

朱异之言納景景作亂始自戊辰之歲至五年  
帝憂崩

天監中誌公為詩云晉年三十八今年八十三四  
中復有四城北火酣酣帝使周捨封紀之及中  
大同元年同泰寺灾帝啟封見捨手迹為之流  
涕帝生于甲辰三十八尅建鄴之年也遇災歲  
實丙寅八十三矣四月十四日火起自浮屠第  
三層三者帝之昆季次也



嘉山堂外紀卷十五  
天監十年四月八日誌公於大會中作詩云。掘尾  
狗子自發狂。當死未死。齧人傷。須臾之間。自滅  
亡。起自汝陰。死三湘。橫尸一旦。無人藏。山家小  
兒。果攘臂。太盍殿前。作虎視。狗子景。小字山家。  
小兒猴狀。景遂覆陷都邑。毒害王家。初自懸瓠。  
耒降懸瓠。即管之汝南也。巴陵有地名三湘。景  
奔敗處。其言皆驗。

誌公嘗畫一鹿負鞍。走山中。留語曰。兩角女子。綠  
衣裳。却背太行。邀君王。一止之月。必消亡。至唐  
玄宗時。安祿山反。識者知太師寓言。兩角即鹿。  
鹿即祿。女子即安。字太行。山名一止之月。正月  
也。果正月敗亡。

釋法雲

法雲師三洲歌云。三洲斷江口。水從窈窕河。傍流  
啼。將別共耒長。相思又云。三洲斷江口。水從窈  
窕河。傍流歡。將樂共耒長。相思江左辭人多風。



致僧亦如此

汝南周捨學通內外兼有口才嘗謂法雲師曰孔子不飲盜泉之水師何以捉鋤石香爐答曰檀越既能戴纛貧道何為執鋤

陶弘景

字通明母郝氏夢兩天人手執香爐至其所已而有娠以宋戊申歲夏至

日生年十歲得葛洪神仙傳晝夜研尋便有養生之志曰仰青天觀白日不覺為遠矣齊永明初止句容勾曲山第八洞天自號華陽隱居人間書札即以隱居代名晚號華陽真逸又曰華陽真人仙書云眼方者壽千歲弘景末年一眼有詩而方修本

草遇神仙桓闍謂曰君之陰功極著以所修本草用蚩虫水煙葦為藥功雖及人而害物命以此一純後方得解形大同二年卒香氣累自氛氳滿山詔贈太中大夫謚曰真白先生

華陽先生在句曲山築三層樓自處其上弟子居其中賓客至其下與物遂絕唯一家僮得至其所先生登樓不復下嘗有詩云側聞上士說尺木乃騰霄雲駢不展地仙居多麗譙卧待三芝秀坐對百神朝銜書必青鳥佳客信龍鑣非止



靈桃實方見大椿凋。真白著太清經一名翹經凡學道術者皆須有好翹鏡隨身嘗畜二刀一名善勝一名寶勝往往飛去人望之如二條青蛇

隱居先生謂弟子曰予夜夢神光滿室彩雲連霄

有金甲神人謂予明日有異人至汝當掃門待

之日午桓凱真人果至披髮跣足唱詩曰黃花

生紫雲日月周天輪混混太虛中不與衆生羣

崑崙十二峯上帝朝萬巡一日功行滿升空謁

元君錢妙真二姊妹依陶隱居誦黃庭經積功修行三十年至梁普通二年道成入洞唐

天寶七年奉勅建宮名燕洞宮即茅山燕洞也  
至今有紫昌蒲碧桃在焉其姊披白練衣先入  
洞妹後至洞已扃矣宋淳化間夏侯嘉貞與道  
士五人並遊燕洞是夜雷霆其洞復開一吏深  
入遇道士與林擒一枚食之絕粒田霖題詩云  
燕口龍泓氣象清  
真此處有遺靈  
仙兒去後師猶在  
女弟來時戶已扃  
雲片尚如披白練  
泉聲長似誦黃庭  
碧桃花發嘗蒲紫  
番與人間作

華陽齊友人死以詩哭之曰我有數行淚不落十

餘季今日為君盡併灑秋風前

華陽特愛松風庭院皆植松每聞其響欣然為樂



獨遊泉石望見者以為僊人武帝屢以手教招之先生畫兩牛一散放水草間一看金籠頭有人執繩以杖驅之帝笑曰此人欲學曳尾之龜豈可復致一日以詔問曰山中何所有先生賦詩答曰山中何所有巖上多白雲只可自怡悅不堪把贈君時國家有大議必先諮之時人謂之山中宰相

弘景妙解術數逆知梁祚覆沒題所居壁云夷甫

任徵誕平叔坐談空不信昭陽殿忽作單于宮大同末士人競談玄理不習武事侯景作亂果居昭陽殿

曹景宗

字子震右衛將軍謚壯侯

曹景宗目不知書好以意作字及破魏軍還振旅凱入時武帝於華光殿宴飲聯句令沈約賦韻以曹堯整不煩倡和曹固請不已許之時韻已盡僅餘競病二字景宗便操筆賦曰去時兒女



悲歸來笳鼓競借問行人何如霍去病帝深歎賞朝賢驚嗟竟日

何敬容

字國禮廬江人尚齊武帝女拜駙馬都尉入梁累遷尚書令武帝朝嘗有

侍臣袍服卷摺帝怒曰卿衣帶如繩欲何所縛敬容希肯每以膠清刷鬚衣裳不整伏牀熨之暑月皆為之焦

齊朱雀門灾武帝謂羣臣此門制狹我始欲改構遂遭天火相顧未答何敬容曰此所謂先天而天不違時以為名對

何敬容為尚書令而拙於草隸淺於學術其署名敬字則大作苟小為文容字大為父小為口陸倕戲之曰公家苟既奇大父亦不小敬容不能答

自晉宋來宰相皆文義自逸敬容獨勤庶務然貪恠為時所嗤鄙時蕭琛子巡頗有輕薄才因即其名作離合詩嘲之曰伎能本無取支葉復單貧離个柯條謬承日木石豈知晨離可字个狗



馬誠難盡犬羊非易馴離字數嘖既不似學步

孰能真離文字苟寔由素朝典是曰蠢彝倫離

字俗化於茲鄙人塗自此分離俗字谷合成容

江從簡光祿大夫革之子也年十七為採荷調以

刺何敬容其文曰欲持荷作柱荷弱不勝梁欲

持荷作鏡荷暗本無光敬容覽之不覺嗟賞愛

其巧麗

有客姓吉詣何敬容敬容問卿與邴吉遠近答曰

如明公之與蕭何

張績與何敬容意趣不協敬容居權軸賓客輻輳

有退詣績者績輒拒不前曰吾不能對何敬容

殘客

堯山堂外紀卷十五



堯山堂外紀卷十六

晉陵蔣仲舒編

六朝梁

沈約

字休文，羸劣多病，日爐數米而食，羹不過一筋。六月有綿帽溫爐，食薑椒飯，不爾。

則委頓家藏書十二萬卷，然心僻惡聞人善，如萬箭攢心。子旋，字士規，次子趨，字

孝鯉，並給事黃門。

齊隆昌初，沈約以吏部郎出為東陽太守，題八詠

詩于玄暢樓，時號絕唱。後人因更玄暢為八詠。



國家圖書館 NATIONAL CENTRAL LIBRARY, TAIWAN, R.O.C.



樓其詩曰危峰帶北阜高頂出南岑中有凌風  
榭迴望川之陰岸險每增減湍平互淺深水流  
本三派臺高乃四臨上有離羣客客有慕歸心  
落暉映長浦燠景燭中潯雲生嶺下黑日下溪  
半陰信美非吾土可事不抽簪

武帝在雍鎮有童謠云襄陽白銅蹄反縛揚州兒  
識者謂白銅蹄為金蹄馬及義郎興實以鐵騎  
揚州之士皆縛果如謠言卽位後更造新聲而

自為詞三曲又令沈約為三曲又破管絃名白  
銅鞮歌曰陌頭征人去閨中女下機含情不  
能言送別沾羅衣草樹非一香花葉百種色寄  
語故情人知我心相憶龍馬紫金鞍翠眊白玉  
羈照耀雙闕下知是襄陽兒

武帝作白紵舞詞四句令沈約改其辭為四時白  
紵歌帝辭曰朱絃玉柱羅象筵飛管促節舞少  
年短歌留目未肯前含笑一轉私自憐約奉勅



造白紵五章春白紵云蘭葉參差挑半紅飛芳  
舞穀戲春風如嬌如怨狀不同含笑流眄滿堂  
中夏白紵云朱光灼爍照佳人含情送意遙相  
親嫣然一轉亂心神非子之故欲誰因秋白紵  
云白露欲凝草已黃金瑄玉柱響洞房雙心一  
意俱徊翔吐情寄君口莫忘冬白紵云寒閨晝  
密羅幌垂垂容麗色心相知雙去雙還誓不移  
長袖拂面為君施夜白紵云秦箏齊瑟燕趙女

一朝得意心相許明月如規方襲予夜長未央  
歌白紵章末各綴四句云翡翠羣飛飛不息願  
在雲間長比翼佩服瑤草駐容色舜日堯年歡  
無極。

沈尚書製郊居賦構思積時猶未都畢要玉詹事

示其草王讀至雌霓五激反連蹇尚書曰僕嘗恐

人呼作霓五鷄反次至墜石礎星及冰縣瓘而帶

坻王皆擊節贊賞尚書曰知音者希真賞殆絕



所以相邀正此數句耳

沈約以佐命勲位冠梁朝晚年新進用事者忌其

固位取約所為薤葱詩乘間以白武帝其詩曰

野馬不任騎兔絲不任織爾非草與蒿豈供麋

鹿食帝不能堪未幾得道士赤章事遂大發怒

約以憂死

約嘗侍武帝燕有妓師是齊文惠宮人帝問識坐中客不曰惟識沈家令

約伏坐流涕帝亦悲感為之罷酒初梁廢齊和帝為巴陵王又欲以南海郡為巴陵國徙王居

之約曰魏武所云不可慕虛名而受實禍帝乃遣鄭伯禽以醇酒進王就擗殺焉至是約夢齊

和帝以劍斷其舌召巫視之巫言如夢約乃呼道士奏赤章於天稱禪代之事全不由已故帝

謚之曰隱

約二子並能詩旋賦得螢火云火中變腐草明滅

靡恒調雨墜弗虧光陽昇反奪照泊樹類奔星

集草疑餘燎望之如可灼攬之徒有耀趨賦得

霧云窈鬱菽園林依霏被軒牖睇有始疑空瞻

空復如有遊蛇隱遙漢文豹栖南阜既殊三五

輝遠望徒延首約嘗指其子謂陸喬曰此吾愛子也自幼博洽因以青箱名之



未知二人孰是

江淹

字文通為浦城令嘗言碧水丹山平生所酷好何嫌作吏僻遠也後封醴陵侯幼時夢神人授五色筆筆端生花由是文藻日進一日宿冶亭夢一美丈夫自稱郭璞呼曰吾有筆在卿處多年可以見還江探懷中以筆授之後為詩絕無美句時謂才盡又泊船禪靈寺渚夢張景陽謂曰前一匹錦相寄今可見還江探懷中得數尺與之此人大恚曰那得裁割都盡顧見丘遲謂曰餘此數尺當遂遺君江自爾文思減頓

江文通壁上有雜畫皆作山水好勢仙者五六雲

氣生焉悵然會意各題小讚題王太子云子喬好輕舉不待煉銀丹控鶴去窈窕學鳳對鸞玩山無一春草谷有千年蘭雲衣不躑躅龍駕何時還題陰長生云陰君惜靈骨珪璧詎為寶日夜名山側果得金丹道憂傷永不至光顏如碧草若度西海時致意三青鳥題白雲云紫烟世不覲赤鱗庖所捐白雲亦海外益益起三山蕭瑟玉池上容裔帝臺前欲知青都裏乘此乃登



天題秦女云青琴既曠世。綠珠亦絕羣。猶不及  
秦女十五乘綵雲。璧質人不見。瓊光俗詎聞。願  
使洛靈往。為我道音芬。

江革

潯陽太守非漢  
孝子江革也

武帝盛興佛教。朝賢多啟求受戒。革精信因果。而  
帝未知。謂革不奉佛。乃賜革覺意詩曰。唯當勤  
精進。自強行。勝修豈可作底。突如彼。必死囚。

江革清嚴為屬吏。所憚不與典籤趙道智坐道智

還都啟事。誣奏革墮事。好酒。以瑯琊王曇聰代  
為行事。南州士庶為之語曰。故人不道。智新人  
佞。散騎莫知度。不度新人不如故。

何記室與江革聯句不成。革嘲以詩曰。龍鱗無復  
彩鳳翅。於茲鍛疇昔。似翩翩。今辰何乙乙。

任昉

字彥升。以文才見。知時人云。任筆。沈詩  
昉聞甚以為病。晚節轉好著詩。欲以傾

沈褚彥回嘗謂其父曰。卿有令子。所謂百  
不為多。一不為少。武帝與昉友善。始謂昉  
曰。我登三府。當以卿為騎兵。以帝善射。故也。



帝克建業乃引  
昉為記室參軍

天監初任昉出守義興要道漑兄弟之郡為山澤  
遊昉還為御史中丞後進皆宗之時彭城劉孝  
綽劉苞劉孺吳郡陸倕張率陳郡殷芸沛國劉  
顯及漑洽車軌日至號曰蘭臺聚陸倕贈昉詩  
云和風雜美氣下有真人遊壯矣荀文若賢哉  
陳太立今則蘭臺聚萬古信為儔任君本達識  
張子復清修既有絕塵到復見黃中劉時謂昉

為任君比漢之三君到則漑兄弟也

昉守郡廉潔吏民歸

心嘗行春溪旁見大石往  
往坐釣其上固君昉溪村

到漑為建安太守任昉寄詩求二彩段云鐵錢兩  
當一百易代名實為惠當及時無待涼秋日漑  
答詩云予衣本百結閨中徒八蠶假金金如粟  
詩使廉夫貪有客於任昉座賦詩而其詩不類  
任云卿詩可謂高厚其人大怒曰  
遂以我詩  
為狗號

到漑餉任新安斑竹杖因贈詩曰邛竹藉舊聞靈



壽資前職。復有冒霜筠。寄生桂潭側。文彩既斑斕。質性甚綢直。所以天天真。為有乘危力。未嘗以過投。屢經芸苗植。昉答詩云。故人有所贈。稱以冒霜筠。定是湘妃淚。潛灑遂隣彬。扶危復防咽。事歸薄暮人。勞君尚齒意。矜此杖鄉辰。復資後生彥。候余方欠伸。獻君千里笑。紓我百憂頻。坐遠雖有器。臥遊苦無津。何由乘此竹。直見平生親。昉子東里西華南容北叟並無學術墜其家聲流離不自振西華冬月著葛帔練裙

道逢劉孝標。法然矜之曰。我當為卿作論。乃著廣絕交論。譏其故友。到溉抵其文於地。乃終身之恨。

任昉大同四年七月於鍾山壙中得銘曰。龜言土著言水。甸服黃鐘。啟靈址。瘞在三上。庚墮。遇七中已。六千三百。浹辰交。二九重三四百。圯當時莫能辨。昉五世孫升之。以問鄭欽。乃悟卜宅者。度葬之歲月日辰。而識其墓地。殆無一字。閑設又毫釐不差云。



到溉字茂灌兄沼弟洽從弟沆一時俱有美

名溉洽恒共居一齋洽卒後便捨為寺

蔣山有延賢寺溉家世所立溉得俸祿皆

充二寺其居近淮水齋前山池有奇礪石

長一丈六尺武帝戲與賭之并禮記一部

溉並輸為召即迎置華林園宴殿前移石

之日都下傾城縱觀所謂到

公心也洽字茂沿沆字茂澄

到茂灌與弟茂沿皆有文才兼善言理時人比之

二陸世祖嘗贈詩云魏世重雙丁晉朝稱二陸

何如今兩到復似凌寒竹

到溉被武帝賞接每與對棊或復失寢加以低睡

帝詩嘲之曰狀若喪家狗又似懸風槌當時以

為笑樂

到溉掌吏部尚書時何敬容以令參選事有不允

溉輒相執敬容謂人曰到溉尚有餘臭遂學作

貴人初溉祖彥之微時以擔糞自給故世以為

譏云到洽一日問劉孝綽吾甚欲買東隣地以

益宅而其主難之奈何孝綽曰但多輦糞於其

旁以苦之洽怒孝綽又嘗與洽同遊東宮劉自



以為才優於到每於宴坐嗤鄙其文到深啣之  
及劉為廷尉正携妾入官府其母猶停私宅到  
尋為御史中丞遣令史按其事遂劾奏云携少  
妹於華省棄老母於下宅高祖為隱其惡改妹  
為妹免孝綽官

到漑子鏡早卒孫蓋早聰慧嘗隨武帝幸京口登  
北固樓賦詩蓋受詔便就上以示漑曰蓋定是  
才子翻恐卿從來文章假手於蓋因賜漑連珠

曰硯磨墨以騰文筆飛毫以書信如飛蛾之赴  
火豈焚身之可恠必耄年其已及可假之於少  
蓋後漑每和御詩上輒手詔戲漑曰得無貽厥  
之力乎

劉孝綽

字孝綽本名冉小字阿士繪之子七  
歲能屬文舅王融深賞異之號曰神

童嘗曰天下文章若無我當歸阿士武  
帝時除秘書丞曰第一官當與第一人

劉孝綽年十四父黨沈約任昉范雲等聞其名命  
駕造焉昉尤相賞愛天監初孝綽起家著作佐



郎為歸沐詩贈昉昉報曰閱水既成瀾歲舟遂  
移壑彼美洛陽子投我懷秋作父敬類誠言吹  
噓似嘲謔兼稱夏雲盡復陳秋樹索詎慰耄嗟  
人徒深老夫託直史兼褒貶轄司專疾惡九折  
多美疹匪報庶良藥子其崇鋒穎春耕勵秋穫  
沙門重公嘗謁武帝問曰聞在外有四聲何者為  
是重公應聲答曰天保寺刹出逢劉孝綽說以  
為能綽曰何如道天子萬福

孝綽辭藻為後進所宗時重其文每作一篇朝成  
暮編好事者咸誦嘗為詩曰塞外羣鳥返雲中  
侶鴈歸高祖見大怒卽奪侍郎又為詩二首其  
一曰鳴鑣響夾轂飛蓋倚林廬其二曰城闕山  
林遠一去不相聞高祖嗟賞復侍郎沈約曰卿  
以詩失黃門還以詩得黃門孝綽曰此卽旣為  
風所開復為風所落也

有人從孝綽乞牛舌乳不付因餉檳榔并貽詩曰



陳乳何能貴。爛舌不成玕。空持渝皓齒。非但汗  
丹唇。別有無枝實。曾要湛上人。羞比朱櫻熟。詎  
易紫梨津。莫言蒂中义。當看心裏新。微芳雖不  
足。含咀願相親。

劉孝綽遙見鄰舟主人投一物衆姬爭之有客請  
為詠孝綽卽操筆曰河流旣浼浼河鳥復閨閨  
落花浮浦出飛雉度洲還此日倡家女競嬌桃  
李顏良人惜美珥欲以代芳管新縑疑故素盛

趙茂哀班曳綃爭掩穀搖佩奮鳴環客心空振  
蕩喬枝不可攀

孝綽三妹並有才學而令嫺最幼世稱劉三孃者  
是也孝綽罷官屏門不出為詩十字題其門曰  
閉戶罷慶弔高臥謝公卿令嫺續之曰落花掃  
更合叢蘭摘復生嘗摘同心梳子贈謝娘因附  
詩曰兩葉誰為贈交情永未因同心何處恨梳  
子最閨人



劉孝綽長妹適王淑英次適張嶷而令嫺適徐悝  
悝卒令嫺為祭文辭甚悲愴其略曰生死並殊  
親情猶一敢道先好手調薑橘悝父勉欲為哀  
辭見之遂閣筆

孝綽長妹世稱劉大娘與妹令嫺齊名贈外詩云  
粧鉛點黛拂輕紅鳴環動珮出房櫳看梅復看  
柳淚滿春衫中

王僧孺

東海郟人蘭陵太守武帝制春景明  
志詩五百字救沈約以下辭人同作

王僧孺  
為工

有貴者初迎盛姬僧孺見而戲為之詠曰久想專  
房麗未見傾城者千金訪繁華一朝遇容治家  
本薊門外來戲叢臺下長卿幸未匹文君復新  
寡

陳南康新納姬僧孺月夜戲詠曰二八人如花三  
五月如鏡開簾一種色當戶兩相映重價出秦  
韓高名入燕鄭十城屢請易千金幾爭聘君意



自能專妾心。本無競。

王僧孺為人寵姬有怨賦詩一章其詩曰可憐獨立樹。枝輕根易搖。已為露所泥。復為風所飄。錦衾襞不開。端坐夜及朝。是妾愁成瘦。非君重細腰。又曰自知心裏恨。還向影中羞。迴持昔慊慊。變作今悠悠。還君與妾扇。歸妾奉君裘。斷弦猶可續。心去最難留。

柳惲字文暢河東解人與謝淪隣居相友愛淪曰宅南柳郎可為儀表兄弟十五人

校惲惺恍惚為侍中武帝謂惲真美分其才藝足了十人

惲以貴公子早有令名工篇什為詩云亭臯木葉下。隴首秋雲飛。王元長歎以為佳因書齋壁及所執白團扇。

武帝每與宴必詔惲賦詩嘗和武帝登景陽樓詩曰太液滄波起。長陽高樹秋。翠華承漢遠。雕輦逐風游。深見賞美當時咸共稱傳。

吳均字叔庠吳興故鄣人



柳惲為吳興太守召吳均補主簿日引與賦詩均  
文體清拔有古氣好事者效之謂為吳均體嘗  
為詩曰秋風灑白水鴈足印黃沙沈隱侯語之  
曰印黃沙語太險均曰亦見公詩云山櫻發欲  
然約曰我姑欲然卿已印訖

柳惲薦吳均于臨川王王稱之帝即日召入賦詩  
大悅詔著作均為劔騎詩曰何時見天子畫地  
取關西帝笑謂曰天子今見關西安在均默然

無答

吳叔庠寶劔篇曰我有一寶劔出自昆吾溪照人  
如照水切玉如切泥鏐邊霜凜凜匣上風淒淒  
寄語張公子何當來見攜

吳叔庠嘗有詩贈周散騎興嗣周答詩曰驚鳧起  
北海儀鳳飛上林騫低不同翼歡楚亦殊音曠  
曠夕雲起落落曉星沉李陵報蘇武但令知我

心

興嗣字思纂聰明多才思武帝教諸王書令  
殷鐵石於大王書中撮一千字不重者每字



一片紙雜碎無叙召興嗣謂曰卿有才思為我  
韻之興嗣一夕編次進上鬢髮皆白大被賞遇  
歸而兩目俱喪死時心如掬泥丸唐進士周逖  
更撰天寶應道千字文將進之請頒行天下先  
呈宰執右相陳希烈問之曰有添換乎逖曰翻  
碎舊文一無添換又問翻破盡乎對曰盡右相  
曰枇杷二字如何翻破逖曰唯此兩字依  
舊右相曰若如此還未盡逖逖巡不能對

何遜

字仲言八歲能詩弱冠州舉秀才范  
雲見其對策大相稱賞因結忘年交

何遜為建安王水曹王刺揚州廨舍有梅花一  
株日吟咏其下賦詩云兔園標物序驚時最是  
梅銜霜當路發映雪擬寒開枝橫却月觀花繞

凌風臺朝灑長門泣夕駐臨邛杯應知早飄落  
故逐上春來後居洛思之再請其任抵揚州花  
方盛開遜對花彷徨終日不能去

何遜與范雲劉孝綽聯句作擬古詩遜賦曰家本  
青山下好上青山上青山不可上一上一惆悵  
雲賦曰匣中一明鏡好鑑明鏡光明鏡不可鑑

一鑑一情傷孝綽賦曰少知雅琴曲好聽雅琴

聲雅琴不可聽一聽一沾纓沈約嘗謂遜曰吾  
每談卿詩一日三



復猶不能已李商隱有詩曰寄言  
何遜休聯句瘦盡東陽姓沈人

何遜與劉綺照水聯句遜倡云插花行理鬢遷延  
去復歸雖憐水上影復恐濕羅衣綺續云臨橋  
看黛色映渚媚鉛暉不顧春荷動彌畏小禽飛  
何遜與韋黯王江乘相送聯句韋黯云寸陰常可  
惜別至倍傷神子瞻天際水予望路中塵何遜  
云憫憫岐路側去去平生親一朝事千里流涕  
向三春王江乘云昔共入門笑今成送別悲君

還舊聚處為我一嘖眉何遜云於今還促膝自  
此客江湄願子俱停駕看我獨解維

何遜文章與劉孝綽並見推重世謂之何劉然劉  
甚忌之平生誦何詩云蘧居向北闕愴愴不道  
車又撰詩苑止取何兩篇時人譏其不廣

高祖嘗作五字疊韻曰後牖有榴柳命朝士並作  
劉孝綽曰梁玉長康強沈約曰偏眠船舷邊庾  
肩吾曰載七每礙埭徐摛曰臣昨祭禹廟殘六



斛熟鹿肉何遜用曹瞞故事曰曠蘇姑枯盧吳  
均沉思良久竟無所言高祖愀然不悅俄有詔  
曰吳均不均何遜不遜宜付廷尉

遜與宗人思澄及子朗俱擅文名時人語曰東海  
三何子朗最多思澄聞之曰此言誤耳如其不  
然故當歸遜思澄意謂宜在已也子朗早有才  
思嘗為敗冢賦擬莊周馬捶其文甚工世人語  
曰人中爽爽有子朗

何思澄少勤學工文為遊廬山詩沈約見之大相  
稱賞自以為弗逮約郊居宅新構閣齋因命工  
書人題此詩於壁又詠美人詩有媚眼隨羞合  
丹唇逐笑分之句為世所傳誦云

王籍

字文海七葉之  
中人人有集

天監中王文海除湘東王諮議叅軍開府會稽郡  
境有雲門天柱山王嘗出遊累月不返至若耶  
溪賦詩曰蟬噪林逾靜鳥鳴山更幽當時以為



文外獨絕劉孺見之擊節不能已

王筠

字元禮一字德柔好弄葫蘆每吟咏則注水於葫蘆傾已復注若擲之於地則詩成矣沈約嘗啟上言晚來名家無先筠者嘗謂筠曰昔蔡伯喈見王仲宣曰吾家書籍悉當相與僕雖不敏請附斯言

王筠能用強韻有咏征婦裁衣行云襴襦雙心共

一抹袒腹兩邊作八撮襟帶雖安不忍縫開孔

纔穿猶未達胸前却月兩相連本照君心不照

天

王筠楚妃吟句法極異其辭云牕中曙句花早飛

句中明句鳥早歸句庭中日句暖春閨句香

氣亦霏霏句香氣漂句當軒清唱調句獨顧慕

句含怨復含嬌句蝶飛蘭復熏句裊裊輕風入

翠裙句春可遊句歌聲梁上浮句春遊方有樂

句沉沉下羅幕

庾肩吾

字子慎齊高士易之子長曰黔婁次即肩吾簡文初封晉安王肩吾與劉

孝威等十人在晉安邸抄撰衆籍號高齋學士隱居天台號天台逸民



庾易性恬靜以文義自娛長史袁象欽其風贈以  
鹿角書格蚌盤蚌研牙筆併一詩曰白日清明  
青雲遼亮昔聞巢許今聞臺尚易以連理几竹  
翹格報之

庾肩吾少勤學能鼓琴善屬文宋子仙破會稽購  
得肩吾謂之曰昔聞汝能詩今可作若能當貴  
汝命肩吾操筆立成曰髮與年俱暮愁將罪共  
深聊持轉風燭暫映廣陵琴子仙乃釋之

庾肩吾燭影詩曰垂燄垂花比芳樹隨風隨水俱  
難駐秦娥軟舞隙中來李吾夜績光中度燭龍  
潛曜城烏啼陰陰疊鼓朝天去

徐摛

字士績東海郟人簡文雅好  
文士摛與庾肩吾並預其選

徐摛文體輕麗春坊學之時人謂之宮體常有一  
人病癰摛戲賦曰朱血夜流黃膿晝瀉斜看紫  
肺正視紅肝又曰蟲上懸簾明知是箔魚遊畏  
網判見是罾又曰狀非快馬蹋脚相連席異儒



生帶經長臥。其好為新奇類如此。

徐摛詠筆詩云。本自靈山出。名因瑞草傳。織端奉積潤。弱質散芳烟。直寫飛蓬引。橫承落絮篇。一逢掌握重。寧憶仲并捐。

劉之遴

字思貞八歲能屬文與江總相推重

侯景初以蕭正德為帝。劉之遴時落景所將使授。璽綬之遴預知。乃剃髮披法服。乃免。先是平昌伏挺出家之遴為詩嘲之曰。傳聞伏不聞。化為

支道林。及之遴遇亂。遂披染服。時人笑之。

高爽

廣陵人博學多才坐事被繫作鑊魚賦自况其文甚工後遇赦得免

孫抱為延陵縣高爽謁之。抱了無故人之懷。爽出從縣閣下。過取筆書鼓云。徒有八尺圍。腹無一寸腸。面皮如許厚。受打未詎央。抱形體肥壯。腰帶十圍。爽故以此譏之。後又作履謎詩。譏孫廉云。刺履不知嚏。蹋面不知暝。齧齒作步數。持此得勝人。



衛敬瑜

妻王京時  
稱貞女

衛敬瑜妻霸城王氏女也年十六而敬瑜亡父母  
舅姑咸欲嫁之誓而不許乃截耳置盤中為誓  
遂止手為已婚種樹數百株墓前柏樹忽成連  
埋一年許還復分散女因為詩曰墓前一株柏  
根連復並枝妾心能感木顏城何足竒

貞女所居戶有燕巢常雙飛來去一日為鷲鳥所  
傷其一孤飛悲鳴徘徊至秋翔集貞女之臂如

告別然貞女以紅縷繫足曰新春復來為我侶  
也明年果至因為詩曰昔年無偶去今春猶獨  
歸故人恩義重不忍復雙飛自是秋歸春來凡  
六七年後貞女病卒燕來周張哀鳴家人語曰  
王京死墳在南郭遂至墳所亦死每風清月明  
人見王京與燕同遊灞水之上



人見王京與燕回故歸水入江

王京及黃林由海濱入江故流亦多舟風雷雨

六十年後思故地碎筆錄來國縣故地入語曰

歸故入思漢重不惡野雙燕自是海潮春來只

句四十年果至因為詩曰昔年無語去今春歸國

知民歸國水以歸燕燕民已進春故來為故也





堯山堂外紀卷十七

晉陵蔣一葵仲舒甫編

六朝 陳

徐陵

字孝穆 攝之子 母夢五色雲化為鳳 集左肩已而生 陵四歲寶誌摩其頂曰天上石麒麟也 目有青睛 時人以為聰慧之相 虞世基一見奇之 謂朝士曰 此當今潘陸因妻以女 由梁入陳 歷遷太子少傅子儉為郎中儀為尚書 份為洗馬

徐孝穆嘗使魏 魏人授館宴賓 是日熱甚 其主客

魏收嘲陵曰 今日之熱 當由徐常侍來 徐即答





曰昔王肅至此為魏始制禮儀今我來聘使卿復知寒暑收大慙

徐孝穆長相思云長相思好春節夢裏恒啼悲不洩帳中起牕前咽柳絮飛還聚遊絲斷復結欲見洛陽花如君隴頭雪蕭淳和云長相思又離別新柳參差條可結孤關遠鴈書絕對雲恒憶陣看花復愁雪猶有望歸心流黃未剪截

徐孝克陵第三弟也亦善賦咏作栖霞寺詩曰戒

壇青石路靈相紫金身世以為工

陰鏗字子堅詩與何遜齊名世稱陰何梁時為相東王參軍與賓客宴飲見行觴者

因以酒炙授之坐客皆笑鏗曰吾儕終日酣醉而執爵者不知味非人情也及侯景亂鏗為賊擒或救之得免問之乃前行觴者入陳為始興王錄事參軍

侯安都為侍中引祖孫登劉刪陰鏗等為客孫登奉令詠風云飄颺楚王宮徘徊繞竹叢帶葉俱吟樹將花共儻空飄香雙袖裏亂曲五弦中試上高臺聽悲響定無窮詠水云驪泉紫閣映珠



浦碧沙沉岸。闊蓮香遠流。清雲影深。風潭如拂鏡。山溜似調琴。請君看皎潔。知有澹然心。劉剛奉令詠妓云。石家金谷妓。粧罷出蘭閨。看花只欲笑。聞瑟不勝啼。山邊歌落日。池上舞前溪。將人當桃李。何處不成蹊。陰鏗同賦云。佳人遍綺席。紗曲動鶖弦。樓似陽臺上。池如洛水邊。鶯啼歌扇後。花落舞衫前。翠柳將斜日。俱照晚粧鮮。文帝嘗宴羣臣賦詩。徐陵言陰鏗善五言。帝即日

召預宴。使賦新成安樂宮。鏗援筆便就。帝歎賞之。其詩曰。新宮實壯哉。雲裏望樓臺。迢遞翔鸞仰。連翩賀燕來。重欄寒霧宿。丹井夏一作蓮開。砌石披新錦。梁花畫早梅。欲知安樂盛。歌管襍塵埃。

虞寄

字次安。荔之弟。陳寶應嘗使人讀漢書。臥而聽之。至蒯通說韓信曰。相君之背。

貴不可言。蹶然起坐。曰。可謂智士。寄曰。通

一說。及三士何足言。智豈若班彪。玉命識所歸乎。寶應不聽。寄恐禍及。乃眷居士服。居東山寺。



天嘉中陳寶應據閩中與錙異潛有異謀遂起兵  
反沙門慧標作五言詩送之曰送馬猶臨水離  
旗稍引風好看今夜月當照紫微宮寶應甚悅  
慧標齋以示虞寄寄謂所親曰標公既以此始  
必以此終後寶應敗標從坐伏誅

張正見

字見贖梁太清初射策高第屬亂  
避地匡俗山入陳遷散騎侍郎

張正見星名從軍詩云將軍定朔邊  
刁斗出祁連高柳橫遙塞長榆接遠天  
井泉含凍竭烽火照

山燃欲知客心斷危旌萬里懸

沈炯

字初明約之後仕梁為吳令宋子仙據  
吳興通掌書記王僧辨購得之酌所獲  
者鐵錢十萬後歸陳武帝以為御史中丞

沈炯有獨酌謠曰獨酌獨酌獨成謠  
智者不我顧愚夫余不要不愚復不智  
誰當余見招所以成獨酌一酌一傾  
歌生涯本漫漫神理暫超超再酌輕  
許史三酌傲松喬頻頻四五酌不覺  
凌丹青倏爾厭五鼎俄然賤九韶  
彭殤無異葬夷



踏可同朝龍。蠖非不屈鵬。鷄本逍遙。寄語號呶  
侶。無乃太塵囂。

沈炯八音詩曰。金屋貯阿嬌。樓閣起迢迢。石頭足  
年少。大道跨河橋。絲桐無緩節。羅綺自飄飄。竹  
煙生薄晚。花色亂春朝。匏瓜詎無匹。神女嫁蘇  
韶。土地多妍冶。鄉里足塵囂。華年未相識。聲論  
動風飈。木桃底堪用。寄以答瓊瑤。

沈炯以閑居有樂四字作離合詩贈江藻曰。開門

枕芳野。井上小桃紅。離門字林中藤蔦秀。木末風

雲高。離木字門木合成閑屋室何寥廓。至士隱蓬蒿。離尸字

故知人外賞。文酒易陶陶。離古字古合成居友朋足諧

晤。又此盛詩騷。離尸字朗月同攜手。良景共含毫。

離月字尸月合成有。樂已有妙術。言是神仙曹。離樂字百年

肆偃仰。一理詎相勞。離白字樂白成樂

沈炯和蔡黃門口字詠云。蹢躅宮閣路。靈靈谷口

間。誰知名器品。語哩各崎嶇。



周弘正

字思行。侯景亂。元帝以為戶部尚書。

侯景獲譏于世。或問三周孰賢曰。若蜂腰矣。

周弘正嘗造韋愛談。謔盡日。恨相遇之。晚後請愛

至賓館。愛未赴。弘正乃贈詩曰。德星猶未動。真

車詎肯來。愛即逍遙公也。為當時所欽如此。

周弘正看新婚詩云。莫愁年十五。來聘子都家。婿

顏如美玉。婦色勝桃花。帶啼疑暮雨。含笑似朝

霞。暫却輕紈扇。傾城判不賒。

謝貞

字元正。晉太傅安九世孫。少有至性。仕始興王。錄事參軍。

謝元正幼便聰慧。八歲為春日閑居詩。從舅王筠

奇其有佳致。謂所親曰。此兒方當大成。至如風

定。花猶落。乃追步惠連矣。

陸瓊

字伯玉。六歲為五言詩。頗有詞采。八歲於客前覆局。都下號曰神童。

陸瓊飲酒樂云。蒲桃四時芳醇。琉璃千鍾舊賓。夜

飲舞遲銷燭。朝醒弦促催人。春風秋月長好。歡

醉日月言新。唐人破陣樂。何滿子皆祖之。



陸瓊栗賦云四時逸盛百果玄芳綠梅春馥紅桃  
夏香何羣品之浮脆惟此質之義長外刺同夫  
拱棘內縈甚於冰霜薦羞則楓榛並列加籩則  
菱芡同行金盤兮麗色玉俎兮鮮光周人以之  
戰懼大官稱於栢梁

伏知道

伏知道從軍五更轉云一更刁斗鳴校尉連連城  
懸聞射鵰騎遙憚將軍名二更愁未央高城寒

夜長試將弓學月聊持劍比霜三更夜警新橫  
吹獨吟春強聽梅花落誤憶柳園人四更星漢  
低落月與山齊依稀北風裏胡笳雜馬嘶五更  
催送籌曉色映山頭城烏初起堞更人悄下樓  
其後隋煬帝效之作龍舟五更轉

江總

字總持少孤依外氏故杜詩云江總外  
家養仕陳為尚書令世稱江令宅在金

陵青谿上劉禹錫詩南朝詞臣北朝客歸  
來惟見秦淮碧池臺竹樹三畝餘至今人  
道江家宅總為文次至吟詠得意則起藁  
於牕上不堪示則投置溷中久而文遂工



江總持幼便聰慧神采英拔甚為瑯琊王元禮范  
陽張纘南陽劉之遴所重之遴嘗酬總詩其略  
曰上位居崇禮寺署隣栖息忌聞曉鶡唱每畏  
晨光艷高談意未窮晤對賞無極探志共遨遊  
休沐忘退食曷用銷鄙吝枉趾邁顏色上下數  
千載揚摧吐胸臆其為通人欽挹如此

梁武帝時江總舅蕭勃據廣州侯景之亂總往依  
焉自此流寓嶺南積歲遇長安使寄裴尚書詩

曰傳聞合浦葉遠送洛陽飛北風尚嘶馬南冠  
獨不歸去雲日徒送離琴手自揮秋蓬失處所  
春草屢芳菲太息關山月風塵客子衣

江總自長安歸還揚州九月九日行徽山亭賦韻  
云心逐南雲逝形隨北鴈來故鄉籬下菊今日  
幾花開

金陵城東南十五里有婁湖吳張昭創以漑田昭  
封婁侯故名湖上有婁湖苑江總持秋日侍宴



苑中應詔賦詩曰翠渚還鑿輅瑤池命羽觴千  
門響雲蹕四澤動榮光玉軸昆池浪金舟太液  
張虹旗照島嶼鳳蓋繞林塘野靜重陰闊淮秋  
水氣涼霧開樓閣近日迥煙波長洛宴諒斯在  
鎬飲詎能方朽劣叨榮遇簪笏奉周行

周司馬消難以安陸附陳宣帝遇之甚厚以為司  
空見朝士皆重學術積經史消難切慕之乃多  
卷黃紙加之朱軸詐為典籍以矜僚友江總持

戲之曰黃紙五經赤軸三史

魯廣達為陳將被執憤慨而卒江總撫棺慟哭題  
其前和曰黃泉雖飲恨白日自畱名悲君抱義  
死不作負恩生

孔範

字法言後主以為都官尚書與孔貴人  
結為兄妹寵遇優渥陳亡入隋文帝暴

其過惡與王瑳王儀沈  
攸名為四罪流之遠裔

孔範和後主詠鏡云虎賁愁興日龍鏡覽顏時懷  
恩未得報空歎髮如絲



長城公叔寶

字元秀小字黃奴史曰後主以宮人袁大捨等為女學士文士

江總等十人為狎客嘗泛舟樂遊于河忽遇雨浮漚生宮人指浮漚曰滿河珍珠因名其河為珍珠河

後主在東宮時張譏為東宮學士有玉柄麈尾至

佳後主親執之曰當今雖復多士如林堪執此

者獨張譏耳即手授譏後幸鍾山開善寺召從

臣坐寺西南松林下勅張譏豎義索麈尾未至

勅取松枝手以授譏譏初仕梁為士林館學士

後主於光昭殿前起臨春結綺望仙三閣其牕牖

壁帶懸楣欄檻皆以沉檀為之臨春後主自居

結綺張貴妃居之望仙孔貴嬪居之日與十狎

客飲酒賦詩先令貴嬪等八婦入裝采箋製五

言十客一時繼和遲則罰酒採其尤艷麗者為

曲被以新聲略云璧月夜夜滿瓊樹朝朝新

君臣酣歌自夕達旦以此為常張貴妃名麗華髮長七尺鬢黑

如漆其光可鑑聰慧有神彩每瞻視盼睠光彩溢目映照左右常於閣上靚粧臨軒檻宮中望



之飄飄若神仙。後葬路傍。有人夜行。聞吟詩聲。  
云：獨臥經秋墮鬢蟬。白楊風起不成眠。追思昔  
日椒房寵。淚濕衣衫損。舊顏次日閱之。  
乃一古塚。詢訪故老。始知為麗華墓也。

後主於清樂中造黃驪。留及玉樹。後庭花。金釵兩  
鬢垂等曲。其詞綺艷。相高極於輕蕩。玉樹曲云  
麗宇芳林對高閣。新粧艷質本傾城。映戶凝嬌  
乍不進。出帷含態笑。相迎妖姬臉。似花含露玉  
樹流光照後庭。

後主七夕宴宣猷堂。座有張式、陸瓊、顧野、王褚、玠、  
傅緯、陸瑜、柳莊、王瑳等十三人。重詠牛女。各為  
五韻。後主詩曰：明月照高臺。仙駕忽裴徊。雷徒  
聞車度。霞上見粧開。房移看動馬。斗轉望斟杯。  
靨色隨星去。髻影禡雲來。更覺今宵短。只遽日  
輪催。

孫右軍璉亡後。江總為其誌銘。後主又題銘。後四  
十字。遣左民尚書蔡徵宣敕。就宅鐫之。其詞曰  
秋風動竹。烟水驚波。幾人樵徑。何處山阿。今時



日月。宿昔綺羅。天長路遠。地久雲多。功臣未勒。此意如何。時論咸以為榮。

沈婺華後主之后。望蔡侯君理女也。以張貴妃權寵。經年不得一御。後主當御后處。暫入。即還。因戲贈曰。留儂不留儂。不留儂也。去此處不留人。自有留人處。后因答云。誰道不相憶。見罷倒成羞。情知不肯住。教我若為留。才女。

後主造齊雲觀。國人歌之。云齊雲觀。冠來無際畔。

功畢未幾。為隋師所虜。先是禎明初。後主作新歌辭。甚哀怨。令後宮美人習而歌之。其詞曰。玉樹後庭花。花開不復久。時人以為歌讖。

陳初江東有童謠云。黃斑青驄馬。發自壽陽溪。來時冬氣未去。日春風始。皆不知所謂。其後陳主為韓擒虎所敗。擒虎本名豹。黃斑之謂也。平陳之際。又乘青驄馬往。反時節與謠相應。兵初入臺城。後主將走。羣臣勸依梁武。見侯景故事。後



主不從曰吾自有井。乃挾宮入十餘出景陽殿  
 投井軍人窺井呼不應欲下石乃聞叫聲以繩  
 引之與張貴妃孔貴嬪同束而上所謂胭脂井  
 是也楊修詩云擒虎戈矛滿六宮春花無樹不  
 秋風倉皇益見多情處同完甘心赴井中井在金陵

法寶寺石欄紅痕若胭脂相傳後主與張孔淚  
 痕所染寺即景陽宮故地也井又名辱井唐陸  
 龜蒙詩古堞烟埋宮井樹陳主吳姬墮泉  
 處舜沒蒼梧萬里雲却不聞將二妃去

陳將亡有鳥一足集其殿庭以喙畫地成文云獨

足止高臺茂草變為灰欲知我家處朱門當水  
 開解者以為獨足益指後主獨行無眾茂草言  
 荒穢也隋承火運草得火而後灰及後主至長  
 安館於都水臺所謂上高臺當水開者其言皆

驗

後主入隋文帝給賜甚厚每預宴為不奏吳樂恐  
 傷其心監者言叔寶與子弟等日飲一石終日  
 沉醉罕有醒時帝曰且任其性不爾何以過日



及從東巡登芒山侍宴賦詩曰。日月光天德。山河壯帝居。太平無以報。願上東封書。後從至仁壽宮。及出文帝目之曰。此敗豈不由酒。

徐德言

太子舍人

徐德言尚後主妹樂昌公主時陳政方亂德言知不相保謂其妻曰。以君之才容國亡必入權豪家。儻情緣未斷尚冀相見。乃破一照人執其半。約曰。他日必以正月望日賣於都市。我當在。卽

以是日訪之。及陳亡。公主果入越公楊素家。寵嬖殊厚。德言流離辛苦。僅能至京。遂以正月望日訪於都市。有蒼頭賣半照者。大高其價。入皆笑之。德言直引至其居。設食具。言其故。出半照合之。仍題詩曰。照與人俱去。照歸人不歸。無復嫦娥影。空留明月輝。公主得詩。涕泣不食。素知之。愴然改容。卽召德言相見。仍與偕飲。素令公主賦詩。公主遂口占一絕云。今日何遷次。新官



對舊官笑啼俱不敢。方信作人難。素厚遺之送  
還江南竟以終老

沈滿願 范靜妻

沈滿願詠竹火籠詩曰。剖出楚山筠。織成湘水紋。  
寒銷九微火。香傳百和薰。氤氳擁翠被。出入隨  
緉裙。徒悲今麗質。豈念昔凌雲。

沈滿願殘燈詩云。殘燈猶未滅。將盡更揚輝。惟餘  
一兩焰。猶得解羅衣。唐韋蘇州對殘燈詩云。獨

照碧牕。又欲隨寒燼。滅幽人將遽。眠解帶。翻成  
結韋詩寶出于沈

碑安方

堯山堂外紀卷十七終

堯山堂外紀卷十七

十五



美山堂文集卷一

已又又

讀書讀史

照得此又谷韻寒盡然幽入



國家圖書館, NATIONAL CENTRAL LIBRARY, TAIWAN, R.O.C.



堯山堂外紀卷十八

晉陵蔣仲舒編

六朝

前趙後趙前涼秦燕後涼北涼

陳安

戎紀人少慷慨讀書見許褚慕之乃自字虎侯

晉懷愍間劉曜圍陳安于隴城安敗南走陝中曜使將軍平先率勁騎追之安與壯士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞬服



左右馳射而走平先亦壯健絕人與安搏戰三  
 交奪其蛇矛而退遂追斬于澗曲安善撫按及  
 其死隴上為之歌曰隴上健兒曰陳安軀幹雖  
 小腹中寬愛養將士同心肝駮驄駿馬鐵鍛鞍  
 七尺大刀配齊鑲文八蛇矛左右盤十盪十決  
 無當前百騎俱出如雲浮追者千萬騎悠悠戰  
 始三交失蛇矛十騎俱盪九騎留棄我駮驄攀  
 巖幽天非降雨迨者休阿呵嗚呼奈子乎嗚呼

阿呵奈子何曜聞而嘉傷命樂府歌之

初漢高以公主

妻冒頓故其子孫遂冒姓劉魏晉間呼延氏祈  
 子龍門有一白魚頂有一角至祭所久之乃去  
 其夜夢所見魚變為人把一物大如雞子授之  
 曰此是日精服之生貴子自是十五月生淵建  
 國號曰漢至曜改  
 稱趙是為前趙

汲桑

清河貝立人力能扛鼎晉大安中并州  
 荒亂刺史東瀛公騰執諸胡賣充軍實

石勒亦在賣中既賣與在平人為奴奴家  
 鄰馬牧桑時為牧率勒以能相馬自託於  
 桑遂招集桃豹  
 遂明等為羣盜

晉東海王越字元超懷帝永嘉初出鎮許昌率充